

تقدم

فيلم

بلبل حيران

تأليف : خالد دياب

إخراج : خالد مرعي

ن - خ

التغيرات

التغيرات علي شوتات لشخص (علي) مرتدي زي القفز بالمظلات في وسط السماء ويبدو انه لايوجد القفز بالمظلات.. ونراه بيتشقلب في كل الاتجاهات

عليؓ بصر اخ عالي)

هـ

ونري تقطيعات مختلفه لوجهه وهو مرتدي الخوذه والنظاره والهواء يسحب جلد وجهه الي الخلف.. والهواء يملئ فمه .. ونري ظهور الاسماء وهو يتخطاها وكأن الاسماء معلقه في الهواء.. ونرى شوتات من وجهه نظره للارض التي تقترب تدريجيا.. يحاول هذا الشخص جذب الحبل مره يمينا ومره يسارا لفتح البراشوت دون جدوي... نسمع الصراخ مستمر

نهاية التترات

نري قطه صفراء تسير وتبتعد قليلا عن القطه لندرك انه عنبر المستشفى ذو المستوي المتدني للغاية... السرائر معدنيه متجاوره لا يفصل بينها سوي ستاره قماش...كل مريض ومعه زائرينه يبدو انه وقت الزيارة... نري زائرين صعايده (صعيد بعمامه وصعديه بجلابيه) معهم أوفه علي سرير بجوار علي مع المريض الصعيدي (حمدان)...نري امرأة عجوزه متشحه بالسواد ويبدو عليها الفقر تزور مريض علي سرير أخربدون اسنان ووشه مجعد يبدو عليه علامات الزمن(عم جمعه) ...العنبر به تليفزيون صغير قديم متهاك... نري (علي) متجسس بالكامل ويضع رقبه جبس ووجهه مربوط بالشاش ولايظهر منه الا عين واحده وفمه ويفيق تدريجيا لتكون الصورة منغمشه حتي تبدأ الرؤيه في الوضوح

علي (بضعف وهن)
انا فين

نري دكتوراه امل (شابه جميله ترتدي نظارة وشعرها معصوب من الخلف وترتدي بالطو ابيض وكارنيه الاطباء معلق في رقبته) وتتقف علي يمين علي... علي رقبته ورأسه في اتجاه اليسار ولا يري امل

امل
حمدالله علي السلامه يا استاذ علي

علي يتحول للربع

(علي للربع)
مين...مين هناك ؟

امل تدير وجهه في اتجاه وقوفها... علي مرعوب كأن احدا كان يطارده
علي للربع
انتي معاهم...اوعي تكوني معاهم

امل
.. متخافش..انا امل دكتوراه عظام وعلاج طبيعي
ومسئوله عن حالتك لحد ماتقوم بالسلامه

علي عينه تتحول من الرعب الي الهدوء

علي
انا تعبان اوي يا دكتوراه

يدخل دكتور ابراهيم في هدوء (في الثلاثينات وسيم وذو قوام ممشوق) ويقف علي يسار علي

(د. ابراهيم)بود
استاذ علي ؟

علي مازال ناظرا لامل ولايري ابراهيم فيتحول للربع

(علي للأمل برعب)
مين !!مين هناك

الدكتور ابراهيم يدير وجه علي في اتجاهه

د. ابراهيم
انا هنا.. انا الدكتور ابراهيم رئيس القسم..حمدالله علي السلامه
علي يهدأ ويتفحص المكان بعينه ليري الزائرين الغلابه...نري المرأة المتشحه بالسواد تأكل مع عم جمعه محشي تخرجه من حله...ويري النشع في الحوائط والمروحة التي تلف بسرعه بطيئته بلفات غير دائريه كأن فيها رفه و تزيق بصوت موحيه انها ستقع...علي يري الارضيه البلاط الرديء

(علي لمستردا قوته)
هو مغيث مستشفى ازبل من كده شويه ؟

د. ابراهيم
انت جابوك عندك تسمع كسور منهم كسر في العمود الفقري مع ارتجاج في المخ وكان خطر ننقلك مستشفى تانيه...اسبوعين وممكن تكمل علاج بره لو تحب

نري نظرات اعجاب من الدكتور ابراهيم تجاه الدكتور ه امل وعلي في المنتصف بينهم ينظر بطرف عينه لامل ثم بطرف عينه لابراهيم

Jump cut

امل جالسه علي كرسي بجوار علي وقد شدت الستاره عليهم من اليمين واليسار ليحصلو علي بعض الخصوصيه ...علي يجلس نصف جلسه علي السرير ويده مجبسه لكن يخرج منها اصبع واحد سليم ...نري الريموت تحت يد علي يضغط عليه بالاصبع السليم ...علي يقلب القنوات ..كل قناه تأخذ ثانيه ويقلب علي...نري علي قلب بين عشر قنوات ...بأقي المرضي كل مع اسرته لا احد يلتفت للتليفزيون....علي يبدو عليه انه لا قناه اعجبته ويغلق التليفزيون...علي يري القطه بجوار سرير ه

علي لامل
هي ايه دي

امل
دي قطه

علي
والله العظيم!!...كنت فاكرها زرافه

امل
استاذ علي انت من ساعة ما دخلت المستشفى مجاش حد زارك

علي
ابويا وامي واخواتي مهاجرين كندا وميقدروش ينزلو الا بعد خمس سنين يالا هتضيع عليهم الهجره
امل
هوانت ايه اللي عمل فيك كده ؟

علي
كنت عايز اعمل اكبر جريمه بيعملها الانسان في حق نفسه

(امل (بجدية
كنت عايز تنتحر ؟

علي
لا .. كنت عايز اتجوز

نهار-داخلي

النادي

علي يجلس مع فتاه رائعه الجمال ترتدي ملابس رياضيه وتضع اماها مضرب تنس .كلا منهم امامه كوب من العصير .يمر مجموعه من الشباب جميعهم يشيرون بالتحية للفتاه التي ترد عليهم بالاسم....علي يشرب رشقه من العصير ويبدو عليه السعادة

علي (لبجديه)
صاحبتي قبل كده ؟؟

الفتاه (لعلي بهدوء)
عايز تعرف ايه بالضبط

علي
انا اول فارس علي الحصان ولا فيه فرسان قبلي ؟؟

الفتاه
في فرسان ...بس اطمن انا لسه فيرجن

علي لبسخرية (
فيرجن!!..يااه ده انتي قديسه علي كده
كافيه – الاسكندريه

نهار -داخلي

علي جالس مع فتاه جميله في كافيه علي البحر

الفتاه
وبعد ما نزلت قومت طلعت اكلت وشربت ونزلت ثاني

الفتاه تقول كل الافعال بالفتح بطريقه الاسكندرانيه...نازلت وطالعت واكالت وشاربت...

علي لبذهول
طلعتي ..نزلتي.. شربتي..الكلام ده لسه نازل جديد ولا ايه؟

علي يهز رأسه بالنفي غير راضي ثم يأخذ موبايله ومفاتحه من علي التراييزه ويقف لينصرف

الفتاه لبلكنه اسكندرانيه)
ايه؟؟

الفتاه تقول ايه بطريقه اسكندرانيه بالفتحه ايضا ...علي يهز رأسه بالنفي بطريقه مفيش امل

علي (مقلدا طريقه البنت)
اعتبريني مشيت

علي يقولها اعتباريني ماشيت

نهار-داخلي

كافيه

علي جالس مع فتاه بيئه ترتدي نظاره شمس تخلعها...وترتدي بلوزه لونها موف ذات ذوق فلاحى وجيبه طويله

(الفتاة (بطريقه بيئه
بس وجبت النضاره الريفان دي كان عيد ميلاد ابن اختي قومت واخده تاكسي العاصمه... مبركيش ميكروباصات طبعاً
تقول مبركيش ميكروباصات بفخر

(علي لبسخرية
ميكروباصات ايه!!...طبعاً تاكسي العاصمه...حاجه تليق بالمقام

الفتاه
ورocht السنتر اشتترتله كاوتش أبيداس فرح بيه اوي..طار بيه

(علي (بقرف
..!!معقول!!كاوتش و أبيداس !!لأثنين في نفس الجمله

علي ينظر في ساعته

الفتاه
ايه اتأخرت

علي
معلش اصلي رايح اشترى شيشب زيكو و مش عايز اتأخر

نهار -داخلي

كافيه

نري علي جالس مع الفتاه ذات الفستان الازرق...الفتاه تقوم...علي يمسك بيده متر شريط(متر التريزي)...علي يفرد المتر ويعمل به
دائرته ويركز علي وسط البنت كانما يحاول معرفه مقاس وسطها...علي ينظر لقياس المتر ثم يهز رأسه يمينا ويسارا بالنفي علي
الفتاة

علي (V.O)
تخينه

نهار -داخلي

غرفة مستشفى

نري علي يمتعض ويهز رأسه بالنفي

أمل
طب ماتخس ايه المشكلة

علي
يعني آخذ واحده اعد اعملها سمكره ودوكو....وبعدين تخينه قبل الجواز يعني هاتضرب الكرش المرحتين بعد الجواز

أمل
حد يقول كرش علي بنت.. اسمها بطن

علي (بتريقه ومياصه مقلدا اميره)
بطن للبنات...انما كرش للرجال...شعرها خفيف لو بنت.. اصلع لو راجل

أمل
طب مكانش فيه غير التخينه دي

نهار -داخلي

سيارة

نري علي جالس بالخلف بجوار فتاه جميله... نري امراه تقود السيارة وبجوارها رجل هو زوجها...درج التابلوه مفتوح...الزوج يرفعه لاعلي ليغلقه لكنه يفتح ثانيه...الدرج يفتح والزوج يحاول اغلاقه عدة مرات لكنه يقع لاسفل مفتوحا ثانية...علي ينتبه ويميل بجسمه للامام

علي (للزوج)
شد الزرار قبل ماتقفله يا عمي...وبراحه من غي...

نري الام كأنما فاض بها فتقود بيد واحدة (اليسري) وتقفل درج التابلوه بيدها اليمنى بعنف وعلامات الغضب علي وجهها...الدرج يقفل...المراه ترمق زوجها بنظرة تعني ايه الغباء ده...الزوج يقلب قطه ويضع رأسه في الارض...حركة المراه تقطع كلام علي الذي يصمت مدركا من هو القائد....علي يعود بظهره للوراء ليجد البنت تبتسم له

الفتاه
ميسوط
علي بابتسامه مصطنعه)
جدا

علي يبتسم لها ثم ينظر الناحيه الاخري لينقلب وجهه للضيق

علي (V.O)
مشكلتها ان مامتها هي اللي بتسوق وباباها بيعد جنبها

نهار -داخلي

عنبر مستشفى

أمل بضحك
الست بتسوق بيبقي البنت وحشه؟؟

علي
بلاش دي ... دخلت ببتهم قولت سلامو عليكمو..باباها سكت...اخوها سكت...مامتها اللي ردت السلام

أمل
عشان مامتها هي اللي ردت السلام؟؟

علي
مامتها بتسوق..يعني البنت هاتحب تسوق...اذا مكنش مامتها ها تحب تركب الكل ورا وتسوق بينا كلنا

امل تضحك

امل (بهزار)
ومين ثاني ؟

علي يبدو عليه التفكير

نهار -داخلي

شاليه -مصيف

الشاليه علي البحر...علي جالس مستاء ينظر للفتاه مع امها في الاوين كيتشين امام الحلل التي يخرج منها البخار
علي (V.O)

دي من اللي اهلها بيروحو المصيف ويطيخو هناك...عارفاهم دول؟

نهار -داخلي

عنبر مستشفى

أمل تضحك

علي

اللي خدت ستين من ميه واللي خدت اربعين من ميه..اعلي واحده جابت سبعين

امل (بجديه)

درجات وتقييم!!مش بعيد كمان تكون بتجيب ورقه وقلم ويتقارن بينهم في جدول

(علي (بضيق كمن اتهمته ظلما

لا لا ورقه وقلم وايه وجدول ايه...ازاي تقولي كده!!انتني فاكراني ايه!! دول بني آدمين برضه

امل تنتظر لعلي الذي يبدو عليه الضيق من اتهامها

علي

ورقه وقلم!! انا!! انا كل شغلي علي الكمبيوتر

نهار -داخلي

منزل علي- غرفة علي

علي جالس امام اللاب توب ويقلب علي صورته اخري للفتاه الاسكندرانيه وتحتها خمسين بالمائة علي يهز رأسه بالنفي ثم يقلب لنجد الفتاه
القديسه وتحتها ثلاثين في الميه علي يهز رأسه بالنفي ثم يقلب لنجد الفتاه ذات الام المتسلطه....علي يملأ خانات بها الجمال والادب والشياكه
والثقافه ثم يضغط انتر لنري درجه مكتوبه تحت البنت... خمس وستين في الميه

نهار -داخلي

عنبر مستشفى

علي

و ولا واحده فيهم حققت المعايير اللي انا كنت عايزها

امل تغلق التلفزيون

(امل (باستغراب

معايير!! اهم معيار في الجواز هو الحب

علي

صح بس الواحد يلاقي الموصفات اللي هو عايزها وبعدين يحب

(امل تقول الكلام وهي تشك في كلامها

لا الواحد بيحب الاول وبعدين لو في وحش الحب بيحليه

أمل هي نسخه من علي وتقاومه في الكلام لكنها مقتنعه بكل كلمه هو يقولها...وتقول كلامها وتحاول اقتناع نفسها به

علي

الحب مبيحليش الوحش..الحب بس بيخلي الحاجات الحلوه احلي

(أمل بدون اقتناع
طيب ايه بقي المعايير دي

علي
الجمال..الادب..الشخصية.. العيله.. الثقافة.. الهوايات.. الشياكة

(أمل بدون اقتناع
بانة عايز واحد تفصيل...مستحيل تلاقي واحد فيه كل حاجة

علي
مين قالك .. أنا بأه لقيت لقيت

م 2 \ ج - د

الاورا

نري ياسمين علي المسرح تعزف علي آلة (الاكسيلفون) لحن سريع بشجاعه وثقة والاضاءه تلعب من حولها بشكل يتماشي مع اللحن السريع
المجنون .. وخلفها الفرقة الموسيقية تعزف معها .. ياسمين تتراقص مع النغمات وتزيد من حركاتها ثم تنهي اللحن بحركه استعراضيه .. يقف
الكادر فريزفريم ونري ياسمين رافعه يدها في الهواء وشعرها طائر خلفها من اثر الحركه التي انتهت بها اللحن

صوت علي
ياسمين جلال هاشم

يتحرك الكادر ونسمع صوت تصفيق حاد من الجمهور ونري علي يجلس في الصاله بين الجمهور لا يصفق ومشدوه بياسمين ومبتسم لها
ببلاهه

م 3 \ ج - د

ممر دخول الموسيقيين بالاورا

علي بملايس مختلفه (بدله) ويرى ياسمين قادمه ومعها الاكسيلفون وينادي عليها

(علي) (مشيرا الي الاكسيلفون)
ياسمين .. انا علي حمدي و بحب الاكورديون جدا

(ياسمين) بثقة
ده اكسيلفون

(علي) (يغير كلامه في لحظه بهزار مشيرا الي الاكسيلفون)
بحب الاكسيلفون جدا

ياسمين تظن ان علي يعاكس

(ياسمين) بسخرية واثقة
ميرسي حضرتك

ياسمين تغادر وتجذب هبة الواقفه وعلي يلحق بهم

(علي) (لياسمين)
انا مش بعاكس ومعجب بيكي وعايز اتعرف عليك.. ممكن خمس دقائق بس

(ياسمين) (بتريقة)
طبعاً.....لاً

علي تتهلل اساريه بعدما قالت طبعاً..ثم يعبس وجه بعدما قالت لا

(ياسمين (بسخرية
فوكك من الحركات دي ولا عشان جايب بدله
جديده تعاكس براحتك

ياسمين تنفض لعلي كتف البدلة ثم تمشي.. علي الان يقف وحيدا ويبدو عليه سعادة من يسمع هذا الكلام لأول مره في حياته

(علي (مبتسما
!! بدله جديده!! فوكك

م\5\6 - ن\د\خ

مسرح الاوبرا + شارع الاوبرا

ياسمين و هبه والموسيقين والمايسترو يستعدون لبروفه.. ويأتي ساعي بالعله التي كانت مع علي

الساعي
آنسه ياسمين .. دي واحد سابها لك بره

ياسمين تاخذ العله باستغراب.. والساعي يغادر وياسمين تفتح العله.. فتري الوكي توكي قتمسكه

هبه
ايه ده ؟ قنبله

ياتي صوت علي العالي من الوكي توكي فتفزع ياسمين ويقع الوكي من يدها

صوت علي
احم احم .. واحد.. اثنين.. تلاته.. الله سي سي سي .. الوووو

الجميع في البروفه ينظرون الي اتجاه الصوت.. ياسمين تضغط زر الغلق في الوكي توكي ولا تعرف

علي
لو كنتي بتحاول تقفليه مش هاتعرفي .. انا حاطط
امير علي الزرار يعني لايمكن يتقفل فا ردي احسن

ياسمين تاخذ موبيلها والوكي وهي تحاول اخفاءه في ملابسها حتي تخفي الصوت وتخرج محرجه

ياسمين
انت مين يانطع انت؟؟

م\7\8 - ن\د\خ

شارع + امام مبني الاوبرا

نري علي يسير علي قدمه امام مبني الاوبرا ويتحدث في الوكي

(علي (باستغراب
نطع !! الله يسامحك.. انا مش نطع علي فكره.. انا علي اللي كنت مش بعاكسك امبارح

ياسمين تخرج من الكواليس وتسير في الكوريدور وهي تتحدث

(ياسمين (بغضب
وعايز ايه يا علي يالي مش نطع و ماكنتش بتعاكس امبارح

علي
أنا جد وكل اللي انا عايزه اعد معاكي دقيقه بس

ياسمين
بعد التهزئ ده كله وعايز تعد معاية.. تصدق انك لطخ

(علي) (بغضب مكررا كلامها)
!!تصدق انك لطخ

(ياسمين) (بسخرية)
ايه اللي زعلك.. تصدق ولا لطخ؟؟

(علي) (بسخرية)
تصدق طبعا يا خفيفه.. مع ان شكك ميجيش انك برميل زباله كده

(ياسمين) (باحثه عن الشتمه المناسبه)
انا زباله يا.. يا جلنف

(علي) (بغضب غير مصدق)
!!جلنف

ياسمين
هو انت غبي ولا حاجه؟؟ كل شتيمه تكررهما

علي
.. غبي كمان!! تصدقي انا غلطان اني عايز اعرف واحده زيك اساسا
انا واقف تحت .. نزلي الجهاز بتاعي مع اي حد وانتهينا.. يا حيوانه .. حيوانه

علي يغلق الجهاز في وجه ياسمين.. ياسمين تغضب من غلق الجهاز في وجهها.. ياسمين تدخل احد غرف التدريب وصوتها يعلو اكثر بمجرد دخولها الغرفه تاتي هبه

(ياسمين) (بزعيق)
انا حمار يا ستين حمار

هبه
ايه يابنتي .. البروفه واقفه بسببك ..

ياسمين لاترد وتتجه لشباك الغرفه فتري علي يقف اسفل الشباك

هبه
في ايه ؟

ياسمين بغضب وببدا واحده تحاول فتح شباك الغرفه والجهاز وموبيلها في يدها ولاتستطيع فتناول هبه الوكي وموبيلها وتفتح الشباك بيديها
هبه
بتعملي ايه فهميني طيب ؟

(ياسمين) (لهبه بعصبيه)
هاتي الزفت

هبه تناول ياسمين الموبايل وياسمين تاخذه بعفويه و تلقيه بعنف في اتجاه علي الذي يفاديه بصعويه.. ياسمين تغلق الشباك بعنف.. علي
يمسك بموبايل ياسمين المتحطم لنري انه ليس الوكي توكي

(ياسمين (لهبة بقرف
خلصنا من قليل الأدب ده .. يالا

بمجرد ان ترمي ياسمين موبايلها تتحول هبة للخوف وترفع حاجبها كمن تسببت في جرما ما ياسمين تتحرك وهبة خلفها تتفحص الوكي
توكي معاها وتلطم علي وجهها

م \ 9 \ 10 - ن \ د \ خ

المسرح + امام ميني الاوبرا

تدخل هبة المتوتره خلف ياسمين وتلقي الوكي توكي خلسه بدون ان تراها ياسمين في صندوق زباله معدني موضوع في المسرح وتجلس
ياسمين ويجوارها هبة وسط العازفين والمايسترو الذين يبدو انهم منتظرينهم .. وفجاءه نسمع صوت علي وهو معظم بسبب الصندوق المعدني
صادرا من الوكي

علي
انتني يالي اسمك ياسمينييين يا حقيره ... بترمي عليه موبايل .. عايزه تموتيني

الجميع يلتفتون الي الصوت ولايعرفون مصدره وياسمين تصعق وتتنظر لاتجاه الباب

(ياسمين (لهبة بذهول
!! ازاي

(ياسمين (باستغراب وهمس
اومال ايه اللي انا رميته ده ايه ؟

(هبة (بخوف وهمس
موبايلك

ياسمين تستوعب الموقف...صوت علي لايتوقف بالشتيمه والزعيق

(ياسمين (بشك
موبايلي

(هبة (بلجلجة
ما انا مكنتش فاهمه انك هاترميه

(ياسمين (لهبه وهي تجز علي اسنانها كمن تمسك نفسها
.. موبيلي اللي عليه كل نمر اصحابي .. ونمر الشغل
.. ده كمان عليه صور ليا وانا بالمايوه

(صوت علي (صادر من الوكي توكي يغني ويتحدث
ايه اللي انا شايفه ده .. ايه اللي انا حاسه ده .. ايه المايوه الاسود والاحمر
.. والاخضر ده .. وايه البتاعه السوده اللي في شهرك دي .. حسنه دي والا وحمه

شخص ينظر الي ظهر ياسمين

ياسمين
ده بيقول اي كلام

صوت علي
ايه المز ده .. صحيح الموبيل صيني بس اللي عليه ايه .. اممه .. فرنساوي

البروفة أصبحت مهرجته والعازفين والمايسترو يبحثون عن مصدر الصوت تحت الكراسي

ياسمين
فين الزفت اللي بيتكلم ده ؟

هيه
واقف تحت في الشارع

ياسمين تنظر لها شزرا

هيه
ااه قصدك الجهاز .. حاضر حاضر

تجري هبه وياسمين علي صندوق الزباله وتأخذه ياسمين خلسه وتخرج بيه من المسرح وتمد يدها وتُخرجه وعلي مازال يتحدث فيه

علي
انا هاعرفك ازاى ترمي عليا الموبيل

ياسمين تدوس الزرار وتتحدث لعللي

(ياسمين (بأدب جم
أرميه ايه أستاذ علي .. هو وقع مني حضرتك

علي
!! اصح والصاروخ اللي كان هيخرم عيني ده ايه!! صدفه

علي يشير ليده علي عينه بطريقه تمثليه وهو مبتسما في الشارع

ياسمين
عموما انا باعتذر لحضرتك .. ممكن بقي تطلعي الموبيل

ياسمين عينها في عين علي الذي ينظر علي الشباك التي تقف فيه

(علي (يمثل الهدوء
اطلعلك الموبايل!! .. اوي اوي .. ثانيه واحده وهايكون عندك

(ياسمين (لهبة
تفتكري هايطلعه فعلا

هبه تتوجه ناحية الشباك فتري علي بينشن بالموبايل علي الشباك فلاتدرك مايفعله علي فتنظر بامعان فتأتي ياسمين لتمعن النظر فما تنظر له
هبه... علي يلقي الموبايل الذي يرتطم بشباك الغرفة وياسمين وهبه يتخضضان

(هبه (بخوف
مفتكرش انه هايطلعه
ويسقط مره اخري لعللي الذي يلقيه بقدمه ثم يأخذه ويتجه لسيارته وياسمين تري انه وصل للسيارته وركبها (حذف)

م \ 11 - ن \ خ

جراج الاوبرا

الجهاز بجوار علي علي الكرسي ويأتي منه صوت ياسمين ويتركها تنادي ثم يرد

صوت ياسمين

يا استاذ علي .. استاذ علي .. استاذ علي .. يا استاذ علي

علي ينظر للجهاز مبتسما بسخريه كمن نال من ياسمين

(علي (بغلاسه

ايه ايه .. انا سايق ومبردش علي الوكي توكي وانا سايق.. عايزه ايه؟

(ياسمين (بجديه

حضرتك انا بتأسفلك جدا جدا بس مينفعش موبايلى باللى عليه ده يبقى معاك...لو سمحت

جمله المايوه اتقالت قبل كده مش هاتجيب ضحك هنا

علي يتأثر بجديه ياسمين

علي

انا هاديكي عنوان شغلي وتوريني.. تسمليني نضيف اسلمك نضيف

ياسمين

....أجيك.. كده مفيش اي ذو

علي

..ايوه ايوه .. ها .. مافيش اي ايه .. كملي

ياسمين

ماشني يا استاذ علي .. الصوت بيقطع قلبي بسرعه نجيك فين ؟

م \ 12 - ل \ د

ديفيله

علي يبدو مشغول جدا وهو يقوم بوضع اللمسات الاخيره للديفيله ويتحدث في وكي توكي مشابه ونري ياسمين وهبه علي الباب وشخص يقف امام علي ويشير في اتجاه هبه وياسمين الواقفتان بجوار الباب فيترك مايفعله ويذهب لهم.. ويخرج موبایل ياسمين من جيبه

ياسمين

بذمتك حد شاف الصور ؟

علي

لا لا انتي فاكراني ايه.. سته صاحبي بس

ياسمين تبرق له

علي

بهزر بهزر.. هم تلاته و حتي معجتهمش وكان عندهم شوية تعليقات كده بس هم يقولهاك احسن..يا سعيد

علي يلتفت ممثلا انه ينادي علي سعيد... ياسمين تخرج جهاز علي من شنطتها ويظل في يدها

ياسمين

.. اتفضل

علي ينظر للجهاز في يد ياسمين

علي

مش هاتعرفي تخرجي دلوقتي

ياسمين

ليه هاتحبسنا ؟

علي

علشان الباب مش هاتفتح الا بعد الديفيله.. بس ممكن تخرجوا من الكواليس

(هبة للبهمس)
خلاص خليفنا نقعد نتفرج

هبة تتجه الي مقعد ولكن ياسمين تمسكها من ذراعها

ياسمين
استني رايحه فين ؟

ينبعث صوت رانيا من الوكي المعلق في رقبة علي وفي يد ياسمين في نفس الوقت

رانيا
يا علي انت فين؟ نتاشا متضايقه ومش عايزه تطلع .. تعالي شوفها

علي
بعد اذنكوا اشوف نتاشا مالها .. وعلي فكره انا مشوفتش اي صور... موبايك عليه باسورد

علي يتركهم ويخرج من الكادر... ياسمين تتفحص موبايها

هبة
طلع ذوق ومشافش حاجه.. خليفنا نتفرج بقي

علي يعود ثانيه

علي (لياسمين)
بس المايوه الاسود كان عايز بس سنه كده ويبقي هایل

علي يمثل علي جسمه مايريد وصفه في المايوه... ياسمين تتعاظ ...علي يغادر

هبة
بيشتغلك والله ماشاف حاجه

هبة وياسمين يجلسون علي كرسين في الكواليس.. ياسمين تشاهد علي وهو واقف مع (رانيا) سكرتيرته وهي فتاه جميله ممشوقه ترتدي جينز وتقف بجوار نتاشا (فتاه روسيه جميله) ترتدي فستان اسود.. ويدها منديل به بقعة دم صغيره ونراها تمسك يديها بسبب وجود جرح فيها وتشير لعلي علي مسمار بارز من برواز خشب بجوارها.. علي يسحب كماشه من احد العمال ويخلع المسمار ويرميه و يقبلها في الهواء.. وتمسك البرواز وتدخل المسرح.. هبة تشاهد دخول البنات الي المسرح وهم مرتدين فساتين سوداء ويمسكون في ايديهم براوايز خشبيه مفرغه يرفعونها امام وجوههم وكانهم بورتريه بداخله.. ياسمين تشاهد علي الذي يقوم بتطبيب باقي البراوايز وهو يبهز مع العارضات .. هبة مشدوها بالديلفليه وياسمين تشاهد باهتماما وومازال الوكي في يد ياسمين وتسمع فيه الحورات الدائره

صوت فتاه
علي سمعت التصقيف .. الناس هاتجنن بالديكور وفكرة البراوايز دي

صوت علي
سمعت يابسمه .. التصقيف للي جواه البراوايز يا حبيبيتي

فتاه اخري
صحابي عجبهم الديكور وهاتجننن ويتعرفو عليك

(علي (بهزار)
صحابك مفيش واحده فيهم تنفع للجواز

علي يصل الي ياسمين ويسحب كرسي ويجلس عليه بالعكس

(علي (لياسمين باهتمام

الا انتي اتعلمتي الشتايم دي فين ؟

(ياسمين (بهده

..انا انا مؤدبه.. بس بعرف اوقف الناس عند حدها

علي

ما انتي ممكن توقفيهم برضه من غير شتيمه

ياسمين

انا بنت علي اربع ولاد وبابا اللي بيغلط بيديليه موشح شتايم

(علي (بهده

انا شوفت عيوب في بنات ياما انما اول مره اشوف واحده لسانها فالت زيك

(ياسمين (بجديه

حوالك بنات بالهيل..اشمعني انا ؟

علي

.. انا افهمك

(علي (يتحدث في الوكي معه

..لو سمحت يا زنيئا اضرب الفولو اللي في ايدك عندي هنا

نري ضوء شديد صادر من الفلوسبوت ياتي في وجه ياسمين التي تضع يدها علي عينها بسبب شدته .. ويظهر وجهها كالملائكة .. ويأتي صوت علي

صوت علي

هو ده اللي حصلي بالظبط لما شوفتك

ياسمين تنزل يدها من علي وجهها ونري شبح ابتسامه اعجاب علي وجهها كأنما اعجبها الكلام ..علي يشير للعامل ان يبعد الاسبوت.. فيبعده وتعود الاضاءه كما كانت

علي

..انا محدد .. انا عايز سوپر وومن .. تكون شخصيتها لطيفه وعندها هوايات

اهتمامات..ناجحه .. جميله مؤدبه .. وده كان باين عليك جدا اول ماشفتك

(ياسمين (بتريقه

عشان تاخذ سوپر وومن لازم تكون سوپر مان

(علي (بهزار

مشوفتينش انتي بالطقم الازرق والفوطه الحمرا ورا ضهري

علي يرفع يده مقلدا سوپر مان.. ياسمين تضحك.. ياتي صوت حريمي من الوكي

صوت الوكي

ياعلي الناس بيدورا عليك..الحفله خلصت

علي يقوم ويذهب الي فريق العمل علي المسرح فيحملوه ويرفعونه الي اعلي واسفل ويهللون.. وعلي يغمز لياسمين وهو في الهواء فتبتسم
م \ 13 - ن \ د

مكتبة عتيقه

رجل عجوز علي سلم وعلي اسفل السلم يسال العجوز الذى ينظر له من اعلي

(علي (للعجوز

عايز كتاب عن الاكسيلفون لو سمحت

م \ 14 - ل \ د

منزل علي

علي معه كتاب الاكسيلفون ويقرأ فيه ويقوم بالاتصال بياسمين ولا ترد عليه .. وامامه اللاب توب ويمسح صور لفتايات وتحتهم تقسيم علي شكل نسب مؤويه.. ونري صورة لياسمين وتحتها التقييم ميه من ميه ويقوم بعمل تسييف لها ..

صوت علي

وابتدت علاقتي بياسمين .. لقيت فيها كل الصفات وحقت كل المعايير اللي بتمناها ..
كان كل اللي فاضل اني اتأكد انها تستحق فعلا ميه في الميه

م \ 15 - ن \ خ

المستشفى

امل تقوم بنشر الجبس بمنشار الجبس عن قدم علي اليسري

امل

انت مين علشان تقعد تقيم الناس كده ؟

علي

اقيم طبعاً .. ده جواز يا امل مش لعبه ..عايزه واحده تملي عيني مبصبصش بعدها...كل ما اشوفها اقول الحمد لله اني اتجوزتها

امل تشيل الجبس عن قدم علي الذي يقوم بتحريكها ويرن تليفونها وتنتظر في تليفونها لنري اسم سامح وصورته علي التليفون

(امل (في التليفون

.. سامح ازيك

(امل (لعلي

قعد حركهم كده لحد ما ارجع.. ايوه ياسامح

م \ 16 - ن \ د

كافيه

نري امل جالسه مع سامح الوسيم الواثق من نفسه الذي يرتدي بدلة انيقه ونظارة نظر

سامح

امل انا بجد بحبك..انتني بتحبييني؟

امل

في معايير الاول لازم تحققها عشان اقدر احبك

سامح

معايير ؟

امل

ايوه معايير .. ايه ؟

سامح

انتني جبتي الكلام ده منين ؟

امل

ده كلام العقل .. يعني انت مثلاً عارف اني بحب الطبخ .. عمرك فكرت

تشتري كتاب عن الطبخ علشان تشاركني هواياتي

سامح
طبخ ايه يا امل ؟؟

امل
طبخ ايه يا امل !!.. الحاجه اللي بحبها يا سامح .. اهي هي دي
عيبوكوا اللي انتوا مش شايفنها .. سامح .. انا مش عايزه
اتخطب الا اما اتأكد ان بتحقق كل اللي اتناها

سامح
وياه هي بأه المعايير دي

بيدو ان سمح زلق امل ... امل ترفع حاجبها ... بيدو انها لا تعرف

م \ 17 - ن \ د

المستشفى

نري امل امام علي الذي مازال يقوم بتحريك قدمه وامل جاهمه كمن يشغلها امرا

علي

اوقفها بقي ؟؟

علي يشير لقدمه.. امل تنتظر لقدم علي

امل
انت بتحركها من امبارح

علي
ليه وانا عبيط .. ريحت الصبح نص ساعه

امل
قولي صحيح .. هي معايير الجواز بتختلف من الراجل للست ؟

علي
طبعا .. تفتكري الراجل اول حاجه بتشده في البنط ايه؟

امل لاتعرف وتوميء برأسها بعدم معرفتها الاجابه وعلي يكمل

علي
الشكل

امل
الرجال السطحين قصدك

علي
لا الرجاله العاديين قصدك.. انما الست اهم حاجه بتشدها الشخصيه .. الرجل والست يا امل كائنن مختلفين تماما .. زي مثلا .. القرد

والنسناسه
امل (باستتكار)
الست نسناسه !!

علي
وانا قولت علي الراجل فراوله ما انا قولت عليه قرد... القصد ان الناس فاكرينهم كائن واحد بيتكلمو نفس اللغه... هي مثلا تقوله هوووهووو
قصدها بقالك فتره مجبيليش موز... هوووو هووو عنده بأه معناه ايه!!! معناها طلقني.. يقوم قايلها هي هي هي ... انتي طالق.. مع انها كان
قصدها اهتم بيه بس شويه زياده

امل
طيب تفتكر ايه المعايير اللي تبقي حلوه في القرد من وجهة نظر الست ؟

علي
النسناسه بتحب الشخصيه القويه بتخاف من البخل و...واخبار سامح ايه صحيح؟

امل تنظر لعلي

امل
خليك في نفسك .. اتجوزت ياسمين ؟

م\ 18 - ن\ خ

طائرة

نسمع صوت طائرة.. ونراها واقفه علي الرن واي وهناك قائد يشرح لعلي وياسمين وآخرون

(القائد) بحسم بصوت عالي
هاتوجه نفسك علي الملعب تحت.. وقبل الارض
باتنين كيلو عد لعشره وشد حبل البارشوت

علي
مش مصدق الاحساس .. هابقي طابير في الهوا

ياسمين
ماتخافش ...دي اكتر رياضه بتدي ثقه في النفس في الدنيا

علي
..متقلقيش عليه انا واثق من نفسي

(المحاضر (لعلي)
خايف ؟

علي
انت خايف ؟ .. ده نط عيال.. انا انط من اف ستاشر.. انط من فانتوم..
عشان اعرف اتشقلب براحتي .. انما الطياره السكه ده ماتنفعش

Jump cut

الطائر في الجو ..علي ينظر من الشباك ويبدو الرعب والخوف من هول الارتفاع ونري الجميع يقفزون واحد تلو الآخر.. الدور علي ياسمين ..

ياسمين (لعلي)
يا لا...

علي
في شهرك علطول .. نطي انت بس

ياسمين ترمي نفسها بجراًه.. علي يبدو عليه السعاده وينظر لياسمين غير مصدق ما فعلته .. ويرجع علي الي مكانه

القائد
مش هانتط ؟

علي
مش هانط !! عادي كده .. انت محسسنني اني هانط
في البسين ..انا بخاف انط من فوق السجاده

Jump cut

ياسمين تلملم البراشوت من علي الارض ويأتي إليها علي

(ياسمين) باستعياط

..هااه ايه الاخبار .. اتبسطت هه

علي

تحفه تحفه .. لأ واحساس الهوا لما كنت فارد ايدي مع البلاستات روعه

ياسمين

طبعا .. انت اول واحد في العالم ينط من ارتفاع

.. الف قدم من غير ما يفتح البراشوت وينزل سليم

علي ينظر علي براشوته المقفول بتمثيل

علي

ايه ده فعلا مفتتح؟ غريبه جدا...ياسمين انا لو ادوني مليون

جنيه لايمكن انط من طياره ابد

م \ 19 - ل \ د

مطعم سوشي

نري يابانين هنا وهناك ..علي وياسمين يدخلون الي المكان ونري ترابيزه طويله للغاية عليها شباب وبنات عددهم يتعدي العشره كلهم اصدقاء ياسمين وجميعهم يشيرون لها بالتحية وتدرك ان ياسمين اجتماعيه للغاية

علي

ايه ده ؟ كل دول صحابك

ياسمين

بتضايق من الناس الكثير

علي

بالعكس انا بحب اللمه جدا

Jump cut

نري الويتر و يضع المنيو امامهم ...علي يتفحص المنيو ويبدو عليه الحيره

علي (بحب)

انا مجربتش السوشي قبل كده

ياسمين (بحب)

اختارك انا ؟

علي

ياه تبقي وفرتي علي التفكير ..ايه الراحة والدلع ده .. انا عايزك تختاريلي كل حاجه بعد كده

ياسمين للويتر

اتنين ماكي واتنين...

Jump cut

الترابيزه مليئه بالسوشي والساكي....علي يتذوق بالشوكه قطعه واحده ويتأفف ويتركه

هيه
بس ان شاء الله نخش كاس العالم اللي جاي
ياسمين
ماظنش

علي ياخذ طبق السلطه الذي امام هبه ويناولها طبقه الملى بالسوشي
علي (لهبه)
ده اغلي

الجميع ينتبهون لياسمين

ياسمين
فريقنا اللي خد بطولة افريقيا تلت مرات ده ده طفره..حاجه
بتحصل مره وتخلص..علي تصفيات كاس العالم اللي جاي يكونو عجزو

علي سعيد بياسمين التي تري احمر شديد تحت عين علي .. ياسمين يبدو عليها القلق

ياسمين
ايه ده .. انت الظاهر عندك حساسيه من السوشي
علي
حساسيه في السوشي .. فين ؟

علي يمسك قطعه سوشي ينظر فيها

ياسمين
الحساسيه تحت عينك

علي يضع يده تحت عينه

علي
انا من ساعة ما شفته وانا مش مرتاحله

- ن \ ل

الاوبرا

نري علي يمسك بعصاتا الاكسليفون ويعزف علي الاكسليفون بنغمه تهجيصيه ثم ينهي العزف بعمل حركه تهريج كأنه عرف سولو رائع..

ياسمين
هات اما اعلمك يا كفته

ياسمين تأخذ العصاتان من علي وتعزف لحن لاف ستوري وعلي مركز معها يتعلم

م \ 21 - ن \ خ

ملعب كرة السريعه بالننادي

نري تراك النادي ...ياسمين تلعب باحتراف وعلي اماماها لايعرف...الكره تجلي من علي كل مره
ياسمين

علي اكثر حاجه بتحبها فيه ايه ؟

علي
اجتماعيه...معتمده علي نفسك شخصيتك...مستقله..شخصيتك قويه

ياسمين

اخبار عينك ايه ؟

علي
حرقان بسيط ..بقي قطعة سوشي واحده تعملي
الحساسيه دي !!الحمد لله اني مكملتوش

علي يضع يده علي عينه التي احرقها السوشي

ياسمين

ياسمين تضرب الكره بقوه.. فتاتى في عين التي احرقها السوشي تجرى عليه ياسمين وهو يمسك عينه

علي
دي انتي مصممه ادرس في النور والامل

ياسمين
هاجبك تلج حالا

م\ 22 - ل\ د

يخت بالعين السخنة

علي يقف علي يخت فخم للغاية.. نري جلال والد ياسمين يرتدي شورت شيك وكاب صيد وقميص وامامه مجموعة من الابس بوكسات الحمرا..
عدد صيد باشكال مختلفه.. نري صنارة جر في آخر اليخت ومكن صيد للمحترفين..نري اربعة شباب ضخام بالشورتات ياسمين تشير لهم
واحدا تلو الاخر وعلي يسلم عليهم واحدا تلو الاخر

ياسمين
بابي.. جلال هاشم.. حسن .. سعيد.. محمد.. نائل

اليخت يسير بسرعة.. علي مع ياسمين يقفان امام جلال الذي يفتح آيس بوكس ويضع يده في الثلج

جلال
قولي .. اصطدت قبل كده

علي
عندنا شاليه في الاسماعيليه لما بروح باصطاد

جلال
جر ؟

علي
لا بوض

جلال يضحك بطريقه غير عاديه كأن علي انتهى من نكته

جلال
وده اسمه صيد ده.. بص ياسيدي

جلال يضع يده في آيس بوكس ليخرج سمكه كبيره في حجم نصف الذراع

جلال
احنا معانا سمك سيجانا.. طعم

جلال يخرج سبيطه في حجم الذراع

جلال
وسبيط طعم

جلال يخرج جمبريه في حجم الذراع

جلال
وجمبري.. طعم

(علي (باستغراب

!!! الطعم سمك وجمبري وسبيط.. اومال هاتصطادو ايه علي كده ؟؟ رز

جلال يضحك بهستريا

جلال
لا يا علي احنا مبنصطادش رز.. بنصطاد تونه.. عارفها؟؟

جلال يقول تونه كأنه يتحدث عن شئ عظيم

علي
عارفها .. اللي في اللعب

نري مكنة السنارة الجر تدور بجنون وبوصة السنارة تنحني في اتجاه الماء بطريقه مخيفه..جلال ينتفض ويمسكها

جلال
ده شده تونة عفرة.. يا شنف انت وهو

يأتي اخين ممن رأيناهم جري .. واحد منهم يمسك بهوك والاخر بشبكه اخراج السمك من الماء .

Jump cut

نصف السمكة العلوي معلقه خلف علي ياسمين وكل منهم امامه طبق التونه.. ويأتي جلال

علي
اتفضل يا عمي

جلال
...انا اصطاد التونة بس مبالكلوهاش ..بحب الصيد مش السمك
عشان كده اتجوزت تلت مرات.. اوعي تكون بتحب الصيد زيي

علي
..لاتا مابحبش الصيد .. ولو اصطادت بيقى من السوبر ماركت
تونه سهلة الفتح .. تونه بالصلصة.. كده يعني

نهار- داخلي

مكتب علي

نري علي امامه لوحتان

علي
سمسم جيتي في وقتيك بصي كده .. اعلق اللوجو ده والا اللوجو ده ؟

ياسمين تنظر للوجوهان ..

ياسمين
امم .. ده ..

علي
ياسللاااااا .. معندكيش فكره رأيك مهم بالنسبه لي قد ايه ؟

تدخل عليهم رانيا

ياسمين (لرانيا بحب)
ازيك يا رانيا ؟؟ فستانك حلو اوي

(رانيا) بسعاده
ميرسي يا ياسمين .. اتفضلي .. علي اقول لهاله تيجي امتي ؟

علي
هاله مين ؟

ياسمين
البت الجديده اللي هاتشتغل في قسم الديزين

علي
.. ااااا .. اي وقت

رانيا تبسم لهم وتخرج وياسمين تصب النسكافيه وتناول علي الماچ بتاعه

(ياسمين (لعلي بصدق
لطيفه اوي رانيا .. وعلطول متانتكه وشيك

علي تضيق عينه وينظر لياسمين بشك

(علي (بشك
هوانتي مبتغيريش؟

(ياسمين (ببساطه وثقة
ماهي كانت اودامك من الاول.. لو كانت عاجباك كنت
اتجوزتها .. وبعدين اللي واثقه في نفسها مبتغيرش

علي
جميل جدا انك متفهमे ومش خنيقه

علي ينظر لياسمين بحب وهي تبادله نفس النظرة

م \ 24 - ل \ د

محل جواهرجي

علي مع ياسمين يختارون دبل الخطويه .. التي نري انها مطبوع عليها من الداخل (علي - ياسمين) ياسمين تقيس الدبله وكذلك علي .. ولكنه
يخلع خاتمه ويلبس الدبله ثم يلبس الخاتم فوقها وينظر لها

صوت علي
اتاكدت فعلا ان ياسمين تستحق الميه في الميه ..

مشهد م \ 24 - ل \ د

فيلا ياسمين

نسمع صوت موسيقي افراح ... نري مشهد خطويه ... علي يرتدي بدله خطويه وامام الاكسليفون يعزف لحن لاف ستوري الذي علمته له
ياسمين ... وياسمين ترتدي فستان سواريه .. نري معازيم يصفقون لعلي بعد اللحن

م\ 25 - ن\ د

المستشفى

علي وقد خلع الجبس عن رقبته

(أمل (بسعادة وكأنها تتكلم عن نفسها

.. ياسمين مميزاتا ...الشخصيه ...مثقفه ...عندها هوايات ...شيك ...انا لو مكانك كنت هابقي مبسوطه بالحاجات دي جدا

أمل تفرح وتتجه لوضع الاناء وتُخرج موبيلها لتتصل بسامح ولكنها تتوقف بعد كلام علي

علي
كنت هاطير من الفرحة لحد بس ما حابه صغيره بس حصلت

(أمل (بقلق

حاجه ايه ؟

م\ 26 - ن\ د

شركة علي

علي يقوم بعمل النسكافيه ورانيا السكرتيره تدخل بيدها لوحه لانري مافيه

رانيا
شوف تصميم اللوجو ده كده ؟

علي يأخذ اللوحه ويعطي ظهره لرنيا ويلقها علي الحائط خلفه علي بورد علي الحائط فنري رسم كروكي للوجو كله باللون البني فقط ..علي يركز في اللوحه وينظر لها بتمعن ثم يهز رأسه بالنفي بطريقة من لا تعجبه الفكرة

(علي (باقتضاب

لطيف .. حلو

رانيا تبتسم وتشير بعلامة تمام لهالة الواقفه بجوار الباب ولايراها علي وهو مازال يتفحص اللوحه .. رانيا وتومئ برأسها لهاله كأنها تطمئن لها ثم تشير لها بالدخول.. تدخل هاله لتقف بجوار رانيا.. علي مازال معطيا ظهره لرنيا وهاله ولا يشعر بوجود هاله

(علي (بنقد

بس عارفه ..مش عاجبني الشادوز ده

هاله يبدو عليها التركيز

علي
ومش عاجبني اللون البني خالص .. اللوجو كله
بني تحسي كده انه بريحه .. فاهماني يارانيا

علي مازال يعطي ظهره لهالة ورنيا .. نري ملامح الضيق والتأثر علي هاله

علي
اللي عامل الديزين ده قديييييييم أوي

هاله تكاد تيكلي .. رانيا تصمت ولا تعرف ماذا تقول..علي يدقق في اللوحه

(علي (بقرف

بصي.. بعد ما ركزت فيها .. التصميم اجمالا.. قرف

نري دمعه تترقرق في عين هالة.. رانيا تضع يدها علي رأسها

علي
مين الكفته اللي رسم التصميم ده ؟

علي يلتفت لرنيا فيري هالة تبكي.. رانيا ترفع حاجبها من الاحراج..

(رانيا (لعلي متنحنحه
اعرفك بهاله

(علي (لهالة مبتسما
ايه يعني.. تفتكري هاغير رأيي يعني!! .. الفكره حلوه طبعاً

رانيا تغادر

هالة (لبصوت خافت غير مسموع)
طب والوووون

علي
ايه ؟؟
هالة (لبصوت اعلي في كلمة طب فقط)
طب والوووووون

علي
هاله انتي بتكلمي نمله مثلاً.. علي صوتك مسمعتش حاجه.. طب وايه ؟..

هاله (بصوت اعلي قليلاً من ذي قبل)
اللون والوووووون

علي يقرب بجسمه مع مد اذنه في اتجاه هاله حتي يسمع...علي عندما ينهي كلامها بيدي التفهم

علي
اااا.. طب والوووووون

علي ينظر للوحة ثانية

(علي (بتمثيل
ماله اللون ؟؟ بني جميل.. انا قولت وحش!! معقول ؟؟
هاله
بس حضرتك قولت الفكره اجمالاً قرف

علي
انت ليه فاكره كل كلامي كده .. انا قولت قرف!! انا قولت
الفكره اجمالاً .. اجمالاً شرف.. تحس ان فيها شرف كده

هاله تبتسم وعلي يتوجه للوحة وينزعها من علي الحائط ويناولها لهالة

علي
انت عرفتني تعليقاتي .. ديزين تحفه.. واعملني حسابك
هانشتغل في رسومات معرض الفرينتشر الجاي.. انتي هايلاه

علي يصفق لهاله بشكل مصطنع

علي
برافو .. فعلا برافو.. انتي اسمك ايه؟

هاله تتحول للتركيز وتتوقف عن التأثر

(هالة (بطييه
... هالة

فريز فريم ميديم شوت لهاله ثم فريز فريم اقرب لوجه هاله ويدخل صوت علي

صوت علي
هاله المشد

الفريم يتحرك...هاله تخرج...تليفون علي یرن نري صوره ياسمين علي الموبايل....علي يقارن بنظره بين ياسمين علي الموبايل وهالة التي من زجاج مكتبه

م \ 27 \ 28 - ن \ د

محل تحت التجهيز بسيتي ستارز + الاويرا

علي بملايس مختلفه عن المشهد السابق امام محل به صنايعيه هو يشرف عليهم....

علي (لعامل)
حط البانوهات دي هنا

علي يقوم بالاتصال بياسمين ولا ترد ..

ياسمين في البروفه ونري موبيلها یرن بدون صوت بجوارها ولا تراه ولا ولا ترد

علي يبدو عليه الضيق من عدم ردها .. علي يتصل بهالة

علي
ايوه اي هاله انتي فين

نري هاله تخرج من داخل المحل وتشير لعلي الذي يبدو عليه السعادة لرؤيتها ويغلق الخط

علي (ينظر لهاله شاركتها بعينه)
انت ايه الي مقعدك لحد دلوقتي مش خلصتي روعي

هاله
كنت مستنيه ماما تيجي تنقي معايه هديه لواحد صاحبتني عيد ميلادها بكره بس نامت

علي
ياه الامهات معدوش زي زمان...فين ايام كريمه مختار!! الام تريزا

هاله
انت بتقول ايه؟؟

علي (بهزرا)
اي كلام

م \ 29 - ن \ د

محل هدايا بسيتي ستارز

علي يمسك زجاجة برفيوم علي استاند ويريه لهااله

هاله
هي مش بتحب البيوفيومس

علي
ياسيتي يعني هي هاتقول لا

هاله تاخذ الزجاجة وتضعها مكانها

هاله
في فن اسمه فن.. اختيار.. الهدايا مش اداء واجب والسلام

هاله تقول فن اختيار الهدايا كل كلمه لوحدها وبينهم فاصل زمني ثانيه...علي وهاله يتوجهون الي ركن الساعات
هاله

ايه رأيك ؟ دي ولا دي يا علي ؟؟

علي
انتتي رأيك ايه ؟

هاله
مابعرفش انقي بعوز رأي حد معاياه.. ها انهبي احلي

علي ينظر للساعة الاولى ثم للثانيه ثم للاولي ويقف عند الاولى

علي
رأيي ..امم دي حلوه اوي

(هاله (للعامل
خلاص ها ناخذها

علي ينتبه لصورة ساعه مطبوعه علي استاند خلف البائع فيسأل عنها

علي
الساعة دي موجوده

العامل
لا يافندم للاسف خلصت ومش هانجيب منها ثاني

م \ 30 - ن \ خ

جراج سيتي ستارز

علي بيده ورده ويقف مع هاله التي تحمل في يدها علبه البيرفيوم ملفوفه بورق الهدايا وتنظر حولها

هاله
مش عارفه عم محمود..راكن فين ومويله بره الخدمه؟

هاله تتصل بعم محمود

علي
اكيد علشان الجراج .. طيب هو انتتي مابتجيش بالعرييه ليه صحيح؟

هاله
مابعرفش اسوق

علي
طيب تعالي اوصلك وخلص

هاله

لا علي ايه اكيد هايبرد

ياتي عم محمود وينزل من السيارة ويفتح الباب الي امل

عم محمود
انا اسف يا هاله هانم .. كنت بجيب ساندوتش

علي
اسمعي الكلام تعالي اوصلك .. ده ممكن يكون جايب ساندوتش
فول ويهدلك طول الطريق.. ساندوتش ايه ده يا عم محمود ؟

عم محمود
فول يا افندم

علي (يعطيها الورده)
حطي دي في مناخيرك طول الطريق مش هاتحسي بحاجه

هاله تبترسم لعللي وتركب سيارتها ومعها الورده وتنطلق السيارة وهي تشير لعللي بالورده بحب وعلي ينظر لها بحب متبادل ثم يشير لها بان
تضع الورده في مناخيرها ..علي ينهي المكالمه وينظر لدبلته المستخبييه خلف الخاتم

م \ 31 - ل \ د

فيلا ياسمين

ياسمين ترتدي بنطلون جينز وبلوزه و بيدها شنطة ملابس وتُخرج فستان بينك من الشنطة وترتبه لعللي وتضع الفستان عليها لترتبه لعللي

(علي (بهدهء
ده جديد ؟

(ياسمين (بهدهء
اه .. لسه شارياه

(علي (بجديّة
طب مقولتليش ليه آجي انقيه معاكي ؟

(ياسمين (باستغراب
ما انا علطول بجيب لبسي لوحدي وعمرك ما طلبت تختار معايه

(علي (بضيق
مفروض انتي الي تطلبي ان آجي انقي معاكي .. ده علي اساس ان رأيي مهم يعني

(ياسمين (لعللي
رأيك مهم طبعا

علي
خلاص بيقني مش لابق عليك

(ياسمين (بمحاولة اقناع
بس انا رأيي مخالف لرأيك.. الفستان لابق عليا جدا

(علي (بغضب
انتي علي طول رأيك مخالف لرأيي..وبعدين انا

عايز اعرف ليه لما بكلمك مبتدريش عليا

ياسمين
علي من اول معرفتني وانت عارف اني مبردش لما بيبقي عندي بروفه ايه اللي جد !

(علي) (بغضب)
ده مش مبرر اني اكلمك ومترديش.. ده اسمه تجاهل

م\ 32 - ن\ د

المستشفى

مكانه فار

علي مع امل التي تمسك عصايا وتقوم بالهرش بيها في ظهره من تحت الجبس

امل
طب ما انت من اول ماعرفتها وهي مابتدريش
ويترجع تكلمك لما بتقضي وعمرك ماعلقت

علي
مش معني اني معلقتش اني ابقي مبسوط .. من الذكاء ان الست تعرف ان الراجل
.. ساعات بيحب الاهتمام.. زي ما بهتم بيها تهتم بيا.. ايوه اهرشي يمين شويه
ايوووه .. ده برغوت ده والا ايه ؟ الراجل بيبقي نفسه يسمع كلمة حاضر.. يحس
انه الاقوي.. انه الصح ..انه اللي بي فهم اكثر.. ده شكله فار مش برغوت

م\ 33 - ن\ خ

شارع قاضي

علي يقوم بتعليم هاله السواقه علي عربيته

علي
من النهارده مافيش عم محمود السواق .. انا عم محمود .. ادي الثاني

هاله
مش كنت علمتني علي عربيتي احسن

علي
عربيتك اتوماتيك.. اصول تعليم السواقه بيبقي علي المانويل عشان نطول..قصدي عشان تلاقي
الاتوماتيك بعد كده ميه .. هما حصتين تلاته كمان واخليكي شوماخر

هاله تصعد فوق حجر صغير جدا فتقف بسرعه وعلي ينزل يري ما حدث لسيارته وبجواره هاله التي تدمع عيناها

(هاله) (ببكاء)
أسفه اني خبطلك العربيه

علي
فداكي ميت عربيه

نري علي يتفحص العربيه مرار وتكرار ولايدل فعله ابدًا عن ماقاله لهاله

علي
عربيه ايه ايه اللي خايفه عليها .. اهم حاجه البني ادام

علي يري كحته اسفل الباب

علي
يانهار اسود

(هاله (ببكاء
ايه ؟

علي
يانهار اسود ..ايه الحرفنه دي ...اركبني مكاني يلا
هاله
مش هاتعلمني
علي
اني خلاص بقيتي هايلاه...ده انتي كائنك بتسوقي من عشرين سنه

(هاله (بضعف ومسكنه
مش مهم اتعلم السواقه .. كفايه انت بتسوق

(علي (بمنتهي السعادة
عارفه بحب فيكي ايه..ضعفك.. رقتكاحساسني انك محتاجالي

(هاله (بخجل
..شكرا

علي
خليكي مكانك .. هاعلمك .. علي فكره انا عازم الاتيله
كله النهارده علي العشا عشان اعد معاكي فتره اطول

هاله
لو عايز تقعد معايه بيقني انا وانت بس.. اللي بيخرج مع حد بيبقي عايز
يتكلم معاه هو.. يبصله هو .. ولا هاتزهق مني وهاتحب تبص لحد ثاني

علي
انا لو فضلت باصصلك العمر كله مش هازهق منك .. يالا دوري العرييه

هاله تخرج وتنتظر له بحب.. علي يبادلها نفس نظرة الحب وتدور العرييه وتقفز منها السيارة فتخطب سياره امامه وتكسر الفانوس علي يرضع
يده علي عينه متوجعا

م \ 34 - ن \ د

النادي الياباني

النادي عباره عن فيلا خشبيه...نري علي مع رجل ياباني في الدور الارضي ومعهم رجل خمسة كلاب مفكوكين وعلي يأكلهم عضم من
الحجم الكبير ويلعب معهم...نري هاله في الجنينه التي نري فيها علي مرمي البصر مجموعات تجلس جلسه اليوجا

هاله
اوعي الكلاب تعضك
علي

متخافيش دي طيبه جدا

Jump cut

م \ 34 - ن \ خ

النادي الياباني-ساحة التدريب

نري علي في وضع اليوجا جالس امام هاله يحملق فيها وهي تنظرني اتجاهه.. علي يتشنج يبدو انه علي جلسته من مده

(علي (بحب
احلي حاجه فعلا ان انا وانتي لوجدنا

هاله
زهقت ؟

علي يغير جلسته للوضع الطبيعي

علي
انا عمري ما ازهق منك بس عضلاتي شددت

نري عجوز ياباني يبدو عليه العنف غير الذي رأيناه يضرب بخرزانه جوار علي ..علي يعود لوضع اليوجا خوفا

علي
هاله ..عايزين نبقي نيجي هنا كتير

هاله
انا باجي كل يوم .. اصلي بموت في اليوجا

علي
هي فعلا تموت

م \ 35 - ن \ د

شركة علي

علي يري هديه مكعبة الشكل ملفوفه بطريقه شيك علي المكتب ..علي يقرأ الكارت

علي
كل سنه وانت طيب .. هاله

علي يفتح الهديه لنري انها الساعة التي اعجبته في سيتي ستارز .. علي يأخذ الساعة ويغادر الغرفة مبتسما ويدخل علي هاله ليراها ترسم وهي تستمع لموسيقى الصالسا .. علي يؤدي حركات تخريفية بهزار علي انغام الموسيقى

علي
عرفتي منين ان عيد ميلادي النهارده ؟

(هاله (بكسوف
..عرفت وخلص

تدخل رانيا عليهم

(رانيا للعلي وهاله
علي حلو الفستان ده عليا ؟

رانيا تلف لفه حول نفسها

علي
تحفه ..سلميلي علي خالد

تخرج رانيا وهاله تنتظر لعلي بضيق الذي مازال مبتسما لرانيا ..

هاله
ما تقوم تعد معاها شويه بره احسن ولاقولك روح اخرج معاها

(علي (بسعاده

ايه ده !! انتي بتغيري عليه ؟؟ دي رانيا .. رانيا

هاله

اللي.. اللي بيعز حد لازم يغير عليه
علي يرقص علي انغام الموسيقى المنبعثه من الكاسيت بشكل عبيط واهبل وهاله تضحك

هاله

انت مبتعرفش ترقص خالص

(علي (بهزار

دي صالسا !! اتعلم عشان خاطرك... لو بتعرفي علميني

(هاله (بفرحه

بجد تتعلم عشاني !!طب هاعرفك علي مدرسة رقص.. ولا ارقص مع رانيا .. رانيا

علي يوقف الموسيقى ويشير للهدية

(علي (مشيرا علي الساعة

هما مش قالو في المحل انهم مش هايجييو الموديل ده تاني

(هالة (ميتسمة

لأ انا وصيت واحده صاحبتني مضيفه جابتها وهو جايه من دبي

علي

ياه...ما كنتي جبتي اي ساعه وخلاص

(هاله (بحب

مينفعش ..لازم الساعة اللي عجبك..نسيت؟؟ فن ..اختيار .. الهدايا

هاله تقول فن ثم اختيار الهدايا كل كلمه علي حده

م \ 36 - ل \ د

كافيه

الدنيا مظلمة .. نري شموع مضاءه في تورته...نسمع اغنيه هابي بيرس داي تو يو...نري ياسمين وشريف وحسن ورضوي ورشا يغنون
لعلي ونري كل فرق ه ياسمين موجوده وهبه صديقتها ...نري عاملين بالمحل يغنون لعلي ايضا

الجميع

سنه حلوه يا جميل.. سنه حلوه يا جميل

ينتهون من الاغنية

ياسمين

كل سنه وانت طيب يا علي

Jump cut

ياسمين تمسك بالمنيو وتنتهي من محادثة الجرسونه الاتيقه

ياسمين

اتنين اسكالوب والسايد ماج بوتيتو واتنين برتقال

الجرسونه تتفهم وتغادر

علي

بس انا مبجيش ولا الاسكالوب ولا الما ج

ياسمين (بود وبساطه)
لا لا ده الاسكالوب هنا تحفه

(ياسمين (وهي تموت ضحكا لهبة
وقام منشز والناس قعدت تضحك

ياسمين تلتقت لهيه ...علي يبدو عليه الضيق ...فرقة ياسمين يضحكون علي كلامها .. علي يحاول ان يجذب انتباه ياسمين ويتغزل في الجرسونه

(علي (بهمس لياسمين يقصد البنت يقصد اغاظتها
دمها خفيف البنت دي

(ياسمين (يلامبالاه
لطيفه

(علي (بهمس لياسمين
لا وجميلة كده وحنينه

(ياسمين (باستغراب
خلاص يا علي جميلة وحنينه

(علي (بضيق
وجسمها كرباك .. هشكه

ياسمين
كرباك .. ايه الالفاظ دي ؟

علي
هو ده اللي ضايقتك .. انت مابتغيريش عليه خالص؟

(ياسمين (باستغراب
واغير عليك ليه ؟؟

(علي (بضيق
اللي .. بيحب .. بيحب حد بيجير عليه .. اكيد نفسي احسن انك بتخافي
عليه مش راميانتي زي القرش البراني ترميني ولازم ارجعلك تاني

تأني الجرسونه التي كان يتغزل فيها علي...نري الاطباق مأكول منها عدا طبق علي كما هو

الجرسونه (لعلي)
أيه أخبار الأكل .. تمام ؟؟

على (للجرسونه بسخريه مريده)
معرفش الاكل عجبني الاكل ولا لا هي الي عارفه انا مليش رأي

علي (لياسمين)
ها عجبني الاسكالوب !!

علي يقطع قطعه اسكالوب ويأكلها

الويتر (لعللي)
اجيب لحضرتك منيو الديزرت تحلي يافندم

علي (لياسمين بنفس السخريه)
ايه رأيك اطلب ديزرت ولا انتي حاسه اني شبيعت !!حاسه ايه بطني وجعاني ...ها!!

علي يقوم وهو مخنوق من ياسمين وهي تنتظر له بضيق.. علي يعود ويأخذ جاكته من علي الكرسي

علي (لياسمين بسخريه مشيرا بالجاكت)
تفتكري الجو سقعه البس الجاكت ولا حر اخليه

ياسمين!!بضيق
بارد

علي
يا شيخه مش تقولي وانا فاكره حر وقالع الجاكت طول الوقت

علي يلبس الجاكت

ساره (باستفهام)
هو في ايه ؟

علي
!!في ايه ؟ اعرف منين هو انا ليه رأي ..مش انتي اللي عارفه كل حاجه .. اعرفني بقي في ايه

علي يشير للجرسونه

(علي (للجرسونه ثم لياسمين
الشيك...انا ماشي

الجرسونه تحضر الشيك علي يخرج محفظته بضيق وغضب

م\37 - ل\خ

شارع

علي وياسمين في سيارة علي التي تركن بجوار سيارة ياسمين

ياسمين
في حاجه ضايقتك في الخروجه

علي
اه .. مجلس الشورى اللي كل مره تخرجينا معاه ده .. انا احب بعد كده
نخرج لوحدها .. انا مابحبش اللامه .. وبطلتي تاكلييني علي مزاجك
.. وتشربيني علي مزاجك .. ولما اتكلم تسمعييني

علي لايبترسم .. ياسمين تخرج هديه ملفوفه من شنطتها وتناولها لعللي.. علي يتحول للابتسام

(ياسمين (بحب
كل سنه وانت طيب

(علي) (ميتسما)
ميرسي

ياسمين
افتحها

علي يفتح الهدية فيجدها كره بها المربعات السوداء والبيضاء..علي ينظر للهدية باستغراب.. ياسمين مبتسمة بثقه

ياسمين
لسه.. بص جواها

علي ينظر بداخل اللفه ليري ثلاث زهرات كزهر لعبة الطاولة كل زهره عليها رقم

(علي) (باستغراب)
ايه ده ؟

(ياسمين) (بسعادة)
دي نتيجته.. زهره لليوم وزهرة للشهر وزهرة للسنة

(علي) (باقتضاب)
آه...امم

علي لاتعجبه الهديه علي الاطلاق ويحاول اخفاء ضيقه لكنه يظهر عليه..علي لا يتكلم وينظر من الشباك كأنما ينتظر نزول ياسمين

(ياسمين) (بضيق)
ايه معجبتكش؟؟

(علي) (بخنقه)
لا لطيفه

ياسمين
ماهو باين عليك

(علي) (بغضب)
خلاص ياسمين مش عايز اتكلم

ياسمين
لا اتكلم

علي يقاوم رغبته في الاعتراض ثم ينفجر

(علي) (بضيق)
في حاجه اسمها فن.. اختيار.. الهديا...مش اي حاجه والسلام

علي يقول جملة فن اختيار الهدية كل كلمة علي حدة .. ياسمين يتحول وجهها للضيق

(ياسمين) (بضيق)
وفي حاجه اسمها فن استلام الهدايا..عاتبني بعدين.. مش
تضرب بوز كده اول ما تاخذ الهديه تكرهني في حياتي

ياسمين تغادر السيارة غاضبة

مدرسة رقص

علي مع هاله ومديرة المدرسة

مديرة المدرسة
هاترقصوا مع بعض ؟

علي ينظر لهاله.. هاله تومئ بالنفي

مديرة المدرسة
خلاص ترقص مع بنت من عندنا هنا

(علي) (للمديرة يقصد اغاظة هاله
بس تكون اموره

(هاله) (بغيره
لأ طبعا.. شوفيله حل ثاني

(مديرة المدرسه) (لعلي)
خلاص ريكو يعلمه .. اهو

علي ينظر الي ريكو فنراه يرتدي بنطلون وبادي ضيقان للغاية.. نظرة تساؤل في عين علي

علي
يعلمني ايه ريكو؟

هاله
الصالصا

علي
والنبي ايه.. هو ريكو ده ايه نظامه؟

المديره
متقلقش.. ريكو بيعرف بيفصل كويس بين شغله وبين عواطفه

(علي) (لهالة التي تضحك
عواطفه آه ه ه .. بطلي ضحك يا انا جاهز
هنا ريكو يخش يحضن علي ويقول انا هاتتبسط اوي معايه ويعبط في علي...علي يرفض الرقص

Jump cut

نسمع صوت موسيقي صالصا وهاله تجلس تشاهد.. نري ريكو واقف في وضع الاستعداد.. علي امامه ..علي يبدو عليه التأفف ولكنه بيتسم عندما يجد هاله تنظر له.. ريكو يضع يده علي وسط علي و يبدأ في التحرك..علي في غاية الضيق والقرف.. الرقصة تسخن .. ريكو يلف علي حول محوره ثم يتلقفه بحضن .. ريكو يبدو عليه الاستمتاع التام.. علي يكاد يموت قرفا

علي
خلاص كفايه كده انا بقيت اعرف ارقص خلاص

علي يحاول الهروب .. الموسيقي تشتد.. ريكو يرفع علي بيده وهو يمسك بجسمه

علي
ايدك فين يا سافل ؟

ريكو ينزل علي الذي يكاد يموت.. علي يحاول ان يبتعد.. ريكو يلحق بعلي كأنها جزء من الرقصه.. كان فتاته تحاول الهروب منه.. ريكو يمسك بيد علي ويضع يده علي ظهر علي وينزل بها ليحسس علي جسم علي.. علي يبعد يد المايص قبل ان تأتي علي مؤخرته.. علي يسير بطريقه عاديه وريكو يرقص حوله.. الموسيقى تشتد اكثر.. ريكو يمسك بعلي ويلفه حول محوره عدة مرات حتي يدوخ علي.. الموسيقى تنتهي لتنتهي الرقصه بحركه بهلوانيه تنهي بوقوع علي في يد ريكو ليحاول تقبيله من فمه فريش كيس.. علي يحاول ان يقاوم لكن ريكو يحاول تقبيله.. وعلي يرفض ويبتعد ولكن ريكو يتعصب ويضرب علي قلم مايص جدا علي وجهه.. نري هاله تضحك بما يحدث لعلي.. وعلي يتصنع الضحك وكأنه مبسوط

م \ 39 - ن \ د

قاعة افراح

علي مع ياسمين.. ويجلسون مع مدير القاعة الذي رأيناه من قبل.. ومعه صور فيها موديلات

مدير القاعة

جبنا ألوان المفارش وكسوه الكراسي زي ما حضرتك طلبتها

(علي) (ياستغراب)

انتني اخترتي كل حاجة من غير ماتقوليلي؟؟

.. متجاهلاني تماما كده كأنني مش موجود.. او كي

انا مستنيكي في العربيه.. خلصي كل حاجة براحتك

علي يغادر المدير ينظر له ولياسمين

ياسمين

بعد اذنك

م \ 39 - ن \ د

سيارة علي

ياسمين تجلس بجوار علي في السيارة

ياسمين

في ايه يا علي مالك.. انا عارفه ذوقك

وعارفه انك مشغول قولت انجز

(علي) (يشير علي الصور بدون ان ينظر فيها)

عارفه ذوقي!! دي الكوشه اللي انتني اخترتها

طب...طب انا عايز الكوشه بيضا بقي

(ياسمين) (بتحدي)

ما انا عملتها بيضا.. بص في الصوره

(علي) (ينظر في الصوره)

طب انا عايزها سودا بقي.. اخترتي الورد؟؟

ياسمين

ابيض واحمر

علي

انا عايزه بني.. اه.. عارفه ذوقي منين بقي؟

ياسمين

علي مفيش ورد بني

(علي) (منفجرا)

انا كنت هاتصرف انتني مالك.. تختاري ليه من غير ماتاخدي رأيي؟؟

علي قد وصل امام منزل ياسمين التي تنزل من السيارة وتنسي الكلب
م \ 40 - ن \ د

امام شركة علي

علي يدخل ليري هاله تخرج من الشركه فيبتسم لها لكن نري وجهها متجهم

(علي) (مبتسما)
.. ازيك

هاله لا تردعليه ويبدو عليها الضيق الشديد وتنتظر له بكره.. علي يبدو عليه الاستغراب

على
مالك ؟

هاله تنتظر له بشك

(هاله) (بضيق)
انت خاطب ؟

علي يُصعق ويضع الكلب علي الارض

علي
مين قالك ؟

هاله تتركه وتمشي

(هاله) (والدموع في عينها)
مش مهم مين قال.. المهم انك كنت بتضحك الفتره دي كلها

علي لا يعرف ماذا يقول

علي
طب استنتي افهمك

(هاله) (بغضب)
!! انا مش عايزه افهم غير حاجه واحده... عملت معايه كده ليه

(علي) (بصدق)
انا مش هاقولك غير حاجه واحده... انا لو كنت شفتك قبلها
ماكانش هايبق ليها وجود في حياتي من الاساس

هاله تهز رأسها بالنفي غير مصدقة و تبكي وتغادر مسرعة.. علي متضايق

م \ 41 - ل \ د

منزل علي

علي جالس امام الاب توب .. نري شاشة الاب توب مقسومه الي جزئين .. جزء به صورة ياسمين و تحتها رقم ستين و جزء آخر به صورة هاله ومكتوب تحتها ميه.. علي يضغط علي زر لتتقلب الصفحه لصور ياسمين فقط فيتحول وجه علي للأسي كمن يشعر بالذنب ويضع يده علي وجهه

علي (V.O)
كنت حاسس بالذنب الرهيب عشان ياسمين

. علي يضغط علي زر فتتحول الصورة الي صورة هاله.. علي يبتسم لصورة هاله بجنب.. علي

علي (V.O)

بس لقيت هاله احسن في كل حاجة

م \ 43 - ل \ د

فيلا ياسمين

نري علي في غاية التأثر والشعور بالذنب وياسمين دامعة العينان

(علي) (كمن سيبكي محاولا تبرير
ماشيه بدماعك مابتاخذيش رأيي في اي حاجة.. متبغيريش
محسسانني اني جربه.. مش مديه اي اعتبار لرأيي

(ياسمين) (ياكيه)
انا كده من اول يوم متغيرتش انت الي اتغيرت

(علي) (بتأثر)
انا غلطان وحاسس بذنب فظيع.. بس والله انا خايف عليك... لا قدر الله لو اتجوزنا وحصل طلاق.... انا راجل عادي اتجوز ثاني انما انتي عارفه
الناس بتبص ازاى للمطلقه
ياسمين
انا كنت حاسه انك جاي تعمل كده

ياسمين تخلع دبلتها وتعطيها لعللي في يده وتبكي وتتركه وحيدا

ملحوظه : ممكن نشوف شوت لعللي يضع دبله ياسمين في درج مكتبه

م \ 44 - ن \ د

محل جواهرجي

العامل امامه كرتلة دبل وعلي يتفرح عليهم وكأنه وجد غايته

علي
.. ايووووه .. هي دى .. هاخذ الشكل ده

الرجل يحضر دبلتين ويضعهم في علبه ولكن علي ياخذ منهم واحده فقط

علي
انا عايزه واحده بس

الرجل
ازاي حضرتك هما مش لخطوبه

علي
مظبوط بس انا معايا واحده

دبله هاله نسخه طبق الاصل من دبله ياسمين ولكن مكتوب عليها اسمه واسم هاله (علي - هاله)

ليل-داخلي

فيلا هاله

نسمع موسيقي افراح... ونري علي في بدلة عريس وهاله ترتدي فستان سواريه وحولهم المعازيم

م \ 42 - ن \ خ

حديقة المستشفى

امل تدفع علي علي كرسي بعجل ومازال وجهه مربوط ولكن الجبس تم ازالته عن قدمه اليسرى

امل
هي شنته معجبتكش تسبب دي وتاخذ غيرها

علي
هي الخطوبه عملوها ليه..مش عشان الناس تتعرف ويشوفو نفسه مرتاحين ولا لا؟؟

امل
كان مفروض انك تمنع نفسك ان هاله تخش في حياتك

علي
لاقيتها انسبلي وكنت لسه عالبر .. الصبح اني اتجوز واحده وانا مش مقتنع!!...لا طبعاً...انا لا عايز ابصص ولا عايز اخون

امل
بس مش من حقتك انك تقارن كده

علي
بذمتك لو قالوك اودامك يوم تدوقي فيه كل الاكل الي في الدنيا بس في الاخر تنقي اكله واحده مفيش غيرها هاتكليها بقية حياتك...بذمتك هاتدوقي ولا لا؟

امل تسكت مؤكده وجهة نظره

علي

ايه الغلط ؟؟ بشوف مين انسبلي.. ده جواز.. يعني اهم اختيار في حياة النبي آدم

دكتور ابراهيم ياتي وهو ينظر علي امل..ويبتسم لعلي وهو مازال ينظر لامل

(دكتور ابراهيم (لعلي وهو ينظر لامل
لا لا في تحسن ملحوظ .. امل ممكن ثانيه واحده

امل تذهب له علي مرئي من علي

ابراهيم
امل انا كنت عايز اقولك حاجه

امل
اتفضل يا دكتور

ابراهيم (بثقة)
انا معجب بيكي وكنت عايز اعرف لو في نفس الشعور ناحيتي ؟؟

امل وجهها يحمر وتتحول للارتباك

امل (بارتباك)
دكتور ابراهيم حضرتك حاجه كبيره جدا عندي
بس انا عندي حاجه في حياتي دلوقتي تمنعني ان..

ابراهيم (مقاطعا)
مرتبطه بحد ؟

امل تفكر هنا لوهلة وتتنظر لعلي كأنها تقول اعمل زي علي ولا لا؟

امل
لا لا مفيش حد في حياتي ..

ليل- داخلي

كافيه

نري امل جالسه مع دكتور ابراهيم

ابراهيم
انتني خايفه مني ليه

امل
بس خايفه... انا بس عندي مواصفات عايزه اتأكد انها موجوده... الشخصيه ..العيله حاجات كده

م \ 46 - ن \ د

عنبر المستشفى

علي مع امل تفك له الجبس عن ذراعه الایسر ونري ان قدمه الیمني ایضا لیس علیها جبس

امل (لعلی بشغف)
کمل

علی
عارفه ..الواحد لما یشوف واحده یحس انها احلي من خطیبتہ..
یقول جواه.. یاه یارب لو كنت شفت دي الاول كان لايمکن اخطب دي

امل
عارفه.. الا عارفه

علي لاينتبه لجملة الا عارفه

علی
أهو انا بأه ربنا اداني الفرصه دي.. خلي هاله كانها اول واحده في حياتي

(امل) (باستغراب)
ازای ؟

م \ 47 - ن \ د

مکتبه

نري الرجل العجوز الذي رأيناه من قبل علي السلم

(علي) (موظف المکتبة)
عايز کتاب عن الیوجا لو سمحت

العجوز یحاول الوصل لکتاب ما ولكنه یقع .. فیمسک فی المکتبة التي تقع به علي علي

ل-د

مستشفى استثماري

علي نائم علي السرير ومعه طیبب ...تدخل هاله مفزوعه

هاله
حمدلله علي سلامتك يا علي

علي
هو حضرتك تعرفيني ؟

م \ 48 - ل \ د

غرفة اشعه

نري علي جالس وبجواره هاله باكيه امام الدكتور الذي يمسك بالاشعه في يده وينظر فيها وعلي ينظر له

صوت علي

..وقعة المكتبه علي دماغي جابتلي فقدان مؤقت للذاكره القريبه

.. قالولي اني مش هاتفتكر آخر ست شهور في حياتي

م \ 49 - ن \ د

كافيه

علي يجلس امام هاله ينظر لها .. ونسمع صوته

صوت علي

عرفت ان هاله خطيبتني .. جميله وبحبها

علي يتمشي مع هالة بملابس مختلفه

علي

عارفه ياهااله .. انا بحبك قوي وبحب كل حاجه فيكي

هاله

وانا كمان

هاله يبدو عليه الحب والتأثر لكلام علي

م \ 51 - ن \ خ

تراك النادي

علي يجري في التراك ونري ياسمين تجري في الاتجاه المعاكس له .. تنظر له وتحيد بعينها بعيدا عنه هي تخفي الحزن ..علي يري ياسمين ويتسمر لرؤية لها مع ابتسامه علي وجهه كمن احب من اول نظرة.. علي يبدو عليه الانبهار بياسمين التي مازالت تجري وعلي ينظر لها وهي تبتعد ثم يتبعها

علي(V.O)

وشوفت ياسمين وكان بالنسبه لي دي اول مره اشوفها

امل(V.O)

يعني ايه ؟ لما شوفتها معرفتهاش ولا افكرتها

نري علي مشدو بياسمين

(علي (لنفسه

ايه القمر ده ؟ ازاى مشفتكيش قبل كده

علي ينظر للتليفون لنري صورة هالة علي التليفون.. علي ينظر لياسمين وهي تجري ثم ينظر لصورة هالة كأنه يقارن بين هالة وياسمين .. فجاء يظهر علي من العدم لياسمين.. علي يضع يده اليسري في جيبه

(علي (براءه

لوسمحتي

ياسمين تنظر لعلي كمت رأّت الشيطان.. ياسمين عيناها ثابتة علي عين علي

(علي (براءه

...انا معجب جدا بجريك وبيكي انتي بصفه شخصيه وعلي فكرة انا

(ياسمين) مقاطعة بسخرية
!! انت ايه ها!! .. بتستعيط ولا بتستهبل

ياسمين تتخطي علي وتغادر .. علي الان وحيدا يحاول جميع هذه الالهانه ليعتقد انها ظنت انه يعاكس .. ياسمين تهز رأسها بضيق بطريقة
مش عارف وعلي بيتسم مثل اول مره

(علي) رافعا صوته لتسمعه ياسمين التي غادرت
حضرتك انا والله مش يعاكس.. المعاكسه ممنوعه في النادي

ياسمين تسير غاضبة تقابل هبة التي تراها متضايقه

هبة
مالك

ياسمين
مفيش

ياسمين تشير علي علي ...هبة تنظر لعللي فتدرك الموقف ...علي يسير خطوتين ليبتعد عن العامل ويبدو عليه التفكير ثم يبدو انه وافته فكره...
ياسمين تجلس مع هبة في التراث ويدخل الجرسون عليهم وفي يده غلبه مغلقه ويعطيها لياسمين

الجرسون
انسه ياسمين في واحد باعت لحضرتك دي

ياسمين تنتظر للعبه وتهز رأسها للجرسون بطريقة متشكره...هبة مع ياسمين مترقبه ما هذا...ياسمين تفتح العلبه فنجد بداخلها وكبي توكي
بلون مختلف

هبة
متقوليش .. ده حتي مش مبتكر

فجأه الوكي توكي يصدر منه صوت... فتد بد غضب

(ياسمين) بغضب عارم
انت عايز ايه مني؟؟ ها ؟ مش كفايه الي انت عملته

علي
عملت ايه .. ؟ سوري معرفش ان ده هاي زعلك كده والله انا مش قاصد اي حاجه وحشه

(ياسمين) (بهده)
دي حته من فيلم شفته قريب بتجربها معايه ولا ايه

ياسمين
انت اهبل ولا عامل اهبل ولا بتستعيط؟

هبة تاخذ الوكي من ياسمين وتنتظر لها

هبة
لا ياياسمين مش بيستهبل ولا بيستعيط .. علي حصلته حادثه وفقد الذاكره

ياسمين
ايه ؟ فاقد الذاكره .. وازاي متقوليش حاجه زي دي

هبة
انا ماصدقت انك تنسيه .. مرضتش اقولك لتحني ثاني

ياسمين يبدو عليها الانصات لما قال ويلين وجهها قليلا متعاطفه مع علي ثم تتمالك نفسها

(ياسمين (يهدوء
طب بتكلمني ليه ؟؟

(عليلايهدوء
اول ما شفتك حسيت بحاجه حلوه كده من اول نظرة

(ياسمين) بسخريه
عيان روح اتعالج انما ماتتكلمش هنا ثاني

ياسمين تغلق الوكي توكي فتجده بيغلق عادي

(ياسمين (لهبه
مش حاطط فيه امير

ياسمين يبدو عليها التفكير ويبدو انه بداخلها صراع بين التعاطف مع علي او القسوة عليه.

م \ 52 - ل \ د

غرفة نوم ياسمين

ياسمين علي السرير تمسك بمويلها وتشاهد عليه مجموعه من الصور لها هي وعلي وهم يضحكون وفي غاية السعادة .. نري في عين ياسمين الحيرة والتأثر وتنظر للوكي توكي وتغلقه وتفتحه وتتركه مفتوح فياتي صوت علي من الوكي توكي

علي
آنسه ياسمين .. انا مشيت وراكي لحد ما عرفت بيتك
وانا واقف دلوقتي قدام البيت .. انا مش بعاكس والله
ولو مش مصدقاني جربي تسمعييني وانا هاسبت لك
.. انا هاستناكي عشر دقائق لو منزلتيش هامشي

ياسمين يبدو عليها التفكير.. ثم تغلق الوكي توكي

م \ 53 - ل \ خ

امام فيلا ياسمين

نري علي في سيارته مُنتظر واضعا قدمه علي التابلوه وينظر الي الوكي توكي .. وينظر في ساعة السياره .. يبدو انه فقد الامل في نزول ياسمين فيعتدل ويقوم بتشغيل السياره ويمشي .. ياتي صوت ياسمين من الوكي توكي

صوت ياسمين
.. علي

علي يفرمل بقوه وينزل من سيارته فنري ياسمين تقف امام باب الفيلا ..

م \ 54 - ل \ د

كافيه

علي جالس مع ياسمين

(علي (لياسمين
تشربي ايه ؟

(ياسمين (يشك
اشرب ايه؟ حزر فزر

(علي (براءه وصدق
اعرف منين.. نسكافيه؟؟

ياسمين تومى برأسها بالنفي وهي تحاول ان تخترقه

(علي (براءه وصدق
كابتشينو؟؟

ياسمين تومى برأسها بالنفي

ياسمين
عايز مني ايه ؟

(علي (مبستما براءة
..انا اول ماشوفتك حسيت ان فيكي كل حاجه اتمناها..جميله
وشكلك مؤديه دمك خفيف.. من اول نظره قولت هي دي

ياسمين تنظر لاسفل وتومى برأسها يمينا ويسارا غير مصدقه ثم ترفع رأسها

(ياسمين (بتريقة
والله العظيم ؟

نري في عين ياسمين نظرة من تريد ان تقتله

م \ 55 - ج \ خ

امام فيلا ياسمين

ياسمين تقف علي باب الفيلا مع علي امام سيارته

علي
هاشوفك تاني امتي ؟

ياسمين
مممكن بكره .. انا هاكون في الاوبرا

علي
في الاوبرا .. ليه بتعملي ايه في الاوبرا

ياسمين
بسيق المسرح

علي
لا بجد

ياسمين
لما تعدي عليا هاتعرف

علي
طيب لما احب اكلمك .. اكلمك علي الوكي توكي .. انا مختش موبيلك

(ياسمين تبتسم)
.. صح .. اكتبه عندك

Jump cut

علي ينطلق بسيارته وياسمين تشير له وتتندد وتبتسم

م \ 56 - ن \ د

قاعة التدريب بالاوبرا او مسرح الاوبرا

المكان فاضي وعلي يقف امام ياسمين التي تنتهي من عزف مقطوعه علي الاكسيلفون..

علي
لا لا .. مش ممكن .. انا طول عمري كان نفسي
اتعرف علي واحده بتعزف علي الاكورديون

ياسمين تضحك من سخريه القدر

ياسمين
ده اكسيلفون من اكرديون

علي يمسك بالعصاتان ويحاول ان يعزف وياسمين معه مبتسمه .. ويعزف اي تخريف... ياسمين تأخذ منه العصاتان وتعزف له اول جزء من
لاف ستوري..تي لا لا ...لا لا لا

علي
هاتي انا اجر ب

علي يمسك العصاتان ويحاول عزف النغمه...علي يعزف النغمه بنجاح لكن ببطيء..علي يرفع يده بسعاده لنجاحه.. علي لا يدرك ان ياسمين
علمته هذا اللحن سابقا

علي
ده انا شهر تمرين واجي اعزف في الاوبرا مكانك

ياسمين تبتسم

م \ 59 - ل \ د

كافيه

صديق

وقام واقع من علي المسرح

نري علي يضحك بشده وهو يمسك المنيو في يده ويبدو عليه الاندماج التام.. ياسمين تضحك هي ايضا

علي (وهو ينهي ضحكه)
اختاري انت انا اول مره آجي هنا

نري هبه تنظر لعلي بضيق..تأتي الجرسونه التي رأيناها من قبل لتأخذ الطلبات من علي وياسمين.. المنيو مع ياسمين...

ياسمين
اتنين بيكاتا بالشامبينيون

(علي) للجرسونه
فيه ايه يتشرب ؟

الجرسونه
في كل حاجه يافندم

علي
كلو..كلو!!..طب فيه حلبه حصي ؟؟

النادلة تضحك

(الجرسونه) يضحك
كلو بس مش للدرجه دي يافندم

علي
طب فيه شوربة رجول بني آدمين ؟

النادله تضحك اكثر وياسمين مبتسمه وسعيده

علي
هاشرب عصير جوافه

النادله تومئ بالايجاب وتغادر

(علي) سعيد وباستغراب
!! عادي اهزر معاها مفيش مشكلة...غيره مفيش

(ياسمين) مبتسمه ببساطه
هزر مع اللي انت عايزه انا متفرقش معايه

علي
ياه الحمد لله انك مش خنيقه

م \ 58 - ن \ د

شركة علي

علي جالس وفي يده كتاب الاكسيلفون ويرى كتاب الاكسيلفون الاول الذي قد سبق له ان اشتراه .. فيمسكه ويضعه بجوار الكتاب الاول ويبدو عليه الاستغراب .. هاله تدخل لتُري علي لوحه علي يترك الكتابين ويتفحص اللوحه.. تدخل رانيا السكرتيرة مبتسمه متأنقه كالعاده

(رانيا) مبتسمة
في عندك ميتينج كمان نص ساعه مع استاذ
سعدي نائب رئيس مجلس ادارة شركة بي ام

(علي) مبتسما لرانيا
ماشني يا معلم

رانيا تبسم لعلي وعلي يبادلها الابتسامة...رانيا تغادر

هاله
كاشف سنانك كده ليه!!ايه السعاده اللي انت فيها دي ؟

(علي) بهزار
ايه يا هاله فيه ايه.. انتي بتغيري ولا ايه ؟

(هاله) بجديه
محبكش تكون مايص مع البنات

(علي) (الهالة بجدية وضيق)
مايص !! اللي بتغير يا هاله ميبقاش عندها ثقة في نفسها وبتبقي خنقة بعد كده

هاله
ايه يا علي مالك ؟

علي
طب بمناسبة بخرج مع مين .. الشركه
كلها رايعين نتعشي سوا .. هاتيحي ؟

هاله
ما بحبش اخرج وسط ناس

(علي) (بغضب)
يعني عشان اخرج معاكلي لازم نكون منعزلين علي العالم .. ايه الانطوائيه دي؟

هاله
علي انا مش عارفه مالك اليومين دوول

نهار-داخلي

قاعة افراح

علي مع هالة علي ترابيزة من ترابييزات القاعة وامامهم عبوتان مياه معدنيه بيبسي البلاستيكية الشفافة ...هاله تحاول فتح العبوه بلف الغطاء
ولكن بيدو انها صعبه عليها

هاله
ما تاخذ تفتحهاالي

هاله تقرب الزجاجه من علي

علي
اجمدي شويه مش كل حاجه انا اعملهاك

هاله تجمد علي الزجاجه فتفتح وتفور كلها في وجه علي لتغرقه تماما...نري نظارته تقطر بيبسي وقميصه ايشا...علي لم يقوم ولم يتأثر
وثابت كأنما يكتم في نفسه...هاله مرعوبه وتكاد تبكي...علي يخلع النظاره وينظفها بهدوء من يكتم غيظه

هاله [ببكاء]
في حبه جم عليك ؟؟

علي يمسك الزجاجه البلاستيكيه لنري بها القليل من البيبسي يشير لهم علي

علي
قصداك في حبه مجوش عليه...ادلهم عليه لو مضايقينك...ولا قولك أهم...مش فارقه

علي يدلق باقي البيبسي علي نفسه...يأتي مدير القاعة وينظر لعلي المغرق باستغراب

علي (لمدير القاعة بحرقة)
اصل الدنيا مطرت بيبسي ...وعليه انا بس

المدير يتفهم

(مدير القاعة (بأدب لعلي)
القاعتين اتحجزو يافندم.. أنا قولت لحضرتك تليفون بس

علي
مكلمتيش الاستاذ ليه زي ما اتفقنا ؟؟

هالة
قولت استنتي آخذ رأيك

علي ينظر لهالة شظرا ...مدير القاعة يغادر...علي بنظره مع مدير القاعة حتي يغادر كأنما ينتظر مغادرته حتي ينفجر ...المدير يختفي علي يلتفت لهالة منفجرا

(علي) (بغضب لهالة)
ما بتعرفيش تعملي حاجة ...مش قادره تاخدي قرار ... كل حاجة لازم اعملهاك..
مش قادر استحمل ضعفك ده..انا تعبت ..تعبت

(هاله) (بذهول)
مش دي كانت اكتر حاجة بتحبها فيه

علي ينظر جانبا كمن لا يريد ان يكمل.. هاله تبكي في صمت

ليل-داخلي

كافيه

امل تجلس مع سامح الذي بيتسم

سامح (بحب)
مكونتيش بتردي عليه ليه

امل (بود)
معلش كان عندش شغل..بس اوعدك الفتره اللي جايه نقضي مع بعض وقت اطول

الاوبرا

علي مع ياسمين يتمشون في الاوبرا

ياسمين
علي انا عارفه انك خاطب ومش عارفه ماشيه معاك ليه ؟

علي
ممكّن نوقف لو تحبي

علي يتوقف عن المشي

ياسمين
.. علي انا مبهزرش

(علي) (بجدية)
بياسمين انا مش هاقولك غير حاجة واحده.. اني لو كنت شوقتك
الاول ماكانتش هاتبقي موجوده في حياتي من الاساس

م\ 62 - ل\ د

منزل علي

علي علي سريريه امام اللاب توب في صراع نفسي.. نري صورته هاله علي الاب توب وعلي جاهم ويضع يده علي وجهه كأنما يشعر بالذنب

صوت علي
حسيت بالذنب الفطيع ناحية هالة
علي يضغط علي زر لنري صورة ياسمين بدلا من هالة.. علي يبتسم لصورة ياسمين

صوت علي
بس لاقيت ان ياسمين احسن في كل حاجه

م \ 63 - ن \ د

بمنزل هالة

علي يجلس امام هالة في الصالون وهاله تجلس امامه دامعه العينين

(علي (لهالة بمنتهي التأثر
انا الذنب بيموتني...بس انا خايف عليك انتي.. نسيب بعض واحنا علي البر احسنك مانسيب بعض مطلقين

هاله تبكي وتخلع دبلتها وتضعها في يد علي....علي في غاية التأثر

63 A - ملحوظه : ممكن شوت نشوف علي يضع دبله هاله في نفس درج الكمودينو بغرفته او بدرج في مكتبة الليفنج .. المهم يكون نفس الدرج اللي حط فيه دبله ياسمين.. ولكنه لايري دبله ياسمين بسبب وجودها في اخر الدرج
نهار-داخلي

مكتبة

علي امام الموظف...نري العجوز ذو السلم يحاول الوصول لكتاب ما...

علي
عايز كتاب عن الاكسليفون لو سمحت

الموظف يشير لركن ما...علي يتوجه للركن ثم ينتبه انه رأي هذا الموقف قبل ذلك...علي يتوجه للرجل ذو السلم ويمسك السلم محاولا التذكر... علي لايستطيع التذكر...علي يتوجه لقسم الموسيقى ويقلب في الكتب..علي يبدو عليه انه تذكر...علي يتوجه للرجل ذو السلم الذي يقع علي المكتبة لكن علي يمسه قبل ان يوقع المكتبة في الاتجاه المعاكس

علي (محاو لا التذكر)
مسكتك

العجوز
متشكر يا بني

العجوز يمسك بالمكتبة ويجذبها نحوه هذه المره لتميل المكتبة في اتجاه العجوز وعلي

علي (بصراخ)
خلي بالك

المكتبة تقع علي العجوز وعلي ليختفيا تحتها

ن - د

منزل علي

علي شكله مبهدل ويبدو في عينه انه اكتشف شيئا علي يتوجه للمكتبة ليري بها كتاب عن الاكسليفون علي يمسك الكتاب....نري مقاطع سريعه...علي يتعرف علي ياسمين....علي مع ياسمين في كافيه...علي مع ياسمين في النادي...علي مع ياسمين في الخطويه...المكتبة تقع علي علي اول مره

حديقة المستشفى

علي يتمشي بجوار امل وقد فك الجبس كله ما عدا وجهه ومعه عكاز

علي
ورجعتلي الذاكرة وفهمت اني لما كانت ياسمين الاولى حبيت هاله
وسييت ياسمين.. ولما ربنا اداني الفرصه ان هاله تبقي الاولى حبيت ياسمين وسييت هاله

(أمل (بغيط من علي كأنها هي التي في موقف ياسمين وهاله
بص ربنا اكيد ملوش دعوه خالص باللي انت بتعمله... انا مش فاهمه .. يعني حبيت الاتنين والا محبتش حد والا حبت مين ؟ خلصني

علي ينظر لها بعتاب

(علي (بعتاب ثم بندم
ما هو ده اللي كنت بحاول اعرفه

امل يبدو عليها بعض الاقتناع لكنها تنفض هذه الفكرة عن رأسها

(أمل (كانما تحارب الفكرة حتي لاتدخل رأسها
طب وهما عملوا ايه بقي لما عرفوا ان الذاكره رجعتك تاني

علي
لا ما انا مقلتلهموش .. خفت اقول قبل ما اعرف انا عايز مين ؟

امل
انت دلوقتي معاك ياسمين

علي
ما انا اول ما حسيت ان هاله مش معايا حليت في عيني الصراحة

أمل
فسبت ياسمين وروحت لهاله ؟؟

علي يهز رأسه بالنفي

امل
كملت مع ياسمين وسبت هاله ؟؟

علي يهز رأسه بالنفي

(امل (بفضول وغيط
سبتهم هم الاتنين ؟؟

علي يهز رأسه بالنفي

منزل هاله

ام هاله جالسه بجوار هاله علي الكنبه..هاله واضح عليها الضيق .. ام هاله تقوم لتغادر

ام هاله
استهدي بالله يابنتي

هاله تومئ برأسها بالايجاب لامها...نري هاله تنظر بضيق في اتجاه اليسار لنري علي جالس كمن يستجديها

(علي (بصدق وحب
خلاص بأه...ما كل الخاطبين بيفشكرو ويرجعو تاني...بعد انتي اكتر واحده
...عارفه اني مش مضبوط بعد الخطبه الي خدتها في راسي

هاله تنظر له كأنما تحاول ان تصدقه

علي

!! بدمتك ايه اللي هايرجعني تاني غير اني مقدرش استغني عنك

هاله تنظر له كأنما تحاول ان تصدقه

علي

المسامح كريم بأه

هاله تتحول من نظرة الشك الي الابتسام لندرك انها سامحته .. علي يلبس هاله دبلتها

م \ 68 - ن \ خ

حديقة المستشفى

امل التي قد سبقت علي وتلف له فجاءه فتخطبه ويترنج يمينا ويسارا وامل لا تهتم بان تمسكه

امل

بس غلط انك تعرفهم الاتنين في نفس الوقت

علي يقع علي الارض

علي

من حقي انقي واختار الاحسن ..ده جواز يا امل مش هزار...بدمتك لو أودامك راجلين كويسين مش هتفاضلي بينهم ؟

(امل (بغضب

أنا!!! استحاله...ده اسلوب حقير لا يمكن عمله

م \ 69 - ل \ د

كافيه

نري امل جالسه مع ابراهيم مبتسمة وكلا منهم امامه كوب من النسكافيه

امل

.. بص يا سامح .. انت فيك كل الموصفات اللي تتمنهاها اي بنت

الكاميرا تتحرك فنجد امل تجلس مع سامح ابراهيم

امل

ناجح وسيم شخصيتك حلوه .. مستعد تعملي كل اللي انا عايزاه

الكاميرا تتحرك فنجد امل تجلس مع ابراهيم

امل

بس انا لسه مش عارفه انا بقي البنت دي والا لا

م \ 71 - ل \ خ

سيارة ياسمين

ياسمين تقود سيارتها وبجوارها علي.. علي يفتح عليه فنري فيها دبلة ياسمين القديمه

علي

اتفضلي

ياسمين
ايه ده ؟

علي
دي دبله .. اشتريت واحده وانتى واحده .. وكتبت عليها اسمك واسمي

ياسمين تنظر لدبلتها وتبتسم علي كذب علي وتشك فيه .. وتاخذها وتتنظر له

ياسمين
والنبي ياعلي ناوليني الشاحن من التابلوه

علي يفتح التابلوه ليحضر الشاحن فيري الوكي توكي الاصفر في التابلوه

علي
.. ياااه .. هو لسه الجهاز ده معاكي

(ياسمين (جاهمه بشك
.. ااه .. زي ماهو

علي
لا وشوفتي حركة الصمغ كانت صايغه جدا

ياسمين تبرق كانما تاكدت من شيئا .. علي لا يلاحظ رد فعل ياسمين ويدرك خطئه ولكنه يطمئن عندما يلاحظ ان ياسمين لم تاخذ
بالحا

م \ 72 \ 73 - ن \ د \ خ

كافيه + شارع خارج الكافيه

ياسمين تشرب من مج النسكافيه امامها بينما هاله مذهوله وكوبها كما هو لم ينقص منه شيئا .. الكافيه زجاجة غامق بحيث يري
من بداخله من الخارج ولا يري من الخارج ما بداخله

ياسمين
علي مش فاقد الذاكره ولا حاجه ويبضحك عليكي وعليها

هاله
انتى مين اصلا ؟

ياسمين
انا ياسمين .. خطيبته الاولانيه وقريب هابقي خطيبته الثالثه

هاله
انتى كدابه وعايظه تبوظي علاقتي بعلي

ياسمين
.. لا انا مش عايظه ابوظ علاقتك بيه مع انه من حقي زي مانتي عملتي قبل كده
انا عايظه افهمك حقيقته .. اعرفك انه بيلعب بينا .. بيقارن بينا .. في الاخر مايستحقش

هاله يبدو ان الكلام دخل عقلها لكنها تقاوم...

هاله
عندك اثبات

(ياسمين (يسخريه

.. ميت اثبات مش اثبات واحد .. ادي دبله الخطويه
مكتوب عليها اسمه واسمي .. اتفضلي

ياسمين تُخرج دبله الخطويه من الميديه الخاصه بها وتناولها لهاله التي تنتظر بداخلها وتبتسم

(هاله (بنشوة المنتصره

الدبله مكتوب عليها اسمي مش اسمك .. دليل قاطع فعلا

ياسمين تاخذ منها الدبله وتنتظر فيها فتجد مكتوب عليها (علي - هاله) ياسمين تنتظر لهاله وتبتسم ابتسامه النصر وانها مشفقه عليها

ياسمين

متفريش بشبابك اوي كده .. شوفي دبلتك كده مكتوب عليها ايه ؟

هاله تقلع دبلتها وتنتظر فيها فتجد مكتوب عليها (ياسمين - علي) فتصدم ياسمين تضحك

ياسمين

الباشا اتلخبط .. اداني دبلتك .. ولما رجعلك اداكي دبلتي

ياسمين تمسك بموبايلها وتطلب رقم وتفتح الاسبيكر

ياسمين

.. ايوه يا علي .. انا مستنياك علي ميعادنا

هاله مذهوله من سماع صوت علي الموبايل .. وياسمين تغلق السماعه وتنتظر لهاله المذهوله الباكه

ياسمين

انتني هاتعيطيلي

هاله

طيب وهو عمل كده ليه ؟

ياسمين

احنا لسه هانحل .. انا عايزاكي تسميعيني كويس

نري علي يسير بجوار الكافيه من الخارج ليري الزجاج كله اسود ولا يري من بالداخل .. علي التليفون علي اذنه

علي (V.O)

انا وصلت .. انتني قاعده فين بالضبط ؟

ياسمين تري علي خارج الكافيه فتشير لهاله عليه .. هاله تلفت لعلي وهي مذهولة .. ياسمين وهاله يرون علي وعلي لا يراهم ... علي
يتوقف و ينظر للزجاج الاسود ولا يري شيئا

ياسمين (في التليفون)

علي انا قاعده في وشك دلوقتي بالضبط انا شايفاك .. ويعملك باي باي

علي يعمل باي باي كما قالت ياسمين

علي

انا مش شايفك.. انا باباي بايلك اعملي باي باي

ياسمين تتحدث وهي تنظر لهاله كمن تقول لها اقتنعت ام لا

ياسمين (في التليفون)
انا وشك بعملك باي باي أهو

نري علي مبتسم وهو بيعمل باي باي للزجاج عند هاله وهي كذلك وهي ملتصقه بالزجاج

علي (في التليفون لياسمين)
حبييتي انتي فين ؟

علي يلصق وجهه بالزجاج ليحاول انا يري..علي يصبح كأنه سيلتصق بهاله التي تراه وتنظر له بكره.. ياسمين يبدو انها انتصرت واثبتت وجهة نظرها

ياسمين (في التليفون وهي تنظر لهاله)
انا خارجالك نروح نتعشي في حته تانيه

ياسمين تغلق الخط...هاله تقوم وتتوجه للخروج

ياسمين
عشيه زي ما اتفقنا

لهاله
او كي هاكلمك نشوف هانعمل ايه

هاله تتوجه للباب وتنزل الموبيل من علي اذننها وكانها هي من كانت تتحدث.. وهي مبتسمه لعلي

علي
هاله .. هو انا .. هو انتي ..

علي ينظر للموبيل باستغراب

هاله
مالك يا علي ..؟

علي
لا ولا حاجه بس دا يخ شويه ..

م\74 - ن\خ

مطعم سوشي

نري طبق كبير من السوشي امام هاله التي تمسك السوشي وتظغط به علي.. نري كرتين حمراوتين واحده في جبهة علي والاخري في خد علي الايمن .. علي عيناه الاثنان متورمتان كأنه خارج من مباراة بوكس...هاله تضع قطعه سوشي في فم علي

(علي (بطيية
هم طفو النور...مش عارف مش شايف كويس و حاسس بسخونية كده.. هم طفو التكييف؟؟

هاله
لا النور والع...انت تعبان ولا حاجه

عامل يمر بجوار علي ويشاور له

علي
ممکن تعلق التكييف شويه لحسن حران هاموت

العامل يصاب بالرعب عندما يري علي ويجري

العامل
يا نهار اسود

علي
هو ماله جري ليه

هاله
جري يعلي التكييف اصل انت زعقتله جامد

علي
انا زعقتله؟؟ معقول زعقتله وانا مش حاسس؟؟

هاله
ده انت مسحت بيه الارض مختش بالك ولا ايه

(علي) (بذهول جاد)
لا والله مختش بالي.. ابقى اعتذرله بقي ؟ ده
السوشي ده رهيب.. رهيب السوشي ده

م \ 75 - ن \ خ

جراح الاوبرا المصريه

علي وجهه مغطي بالمرهم الابيض من اوله لآخره.. ومنتظر ياسمين في الباركينج ويرى عم محمود سواق هاله يركن بجواره فينزلق في الكرسي حتي لا يراه .. ويرى ياسمين اتيه في اتجاه سيارته وسيارة عم محمود فينزلق اكثر وتاتي ياسمين وتخط علي كبوت سياره علي وعلي يعمل نفسه كأنه كان نايم ويتمطع

(ياسمين) (لعم محمود)
روح انت يا عم محمود وقول لاما اني هاتغدي بره

علي ينظر لما يحدث بشك في نفسه .. ياسمين تركب بجوار علي بسعاده

ياسمين
هاي يا حبيبي .. الحمد لله وشك بقي احسن النهارده الحمد لله .. مش عارفه انت ايه موضوعك مع السوشي ده .. سوري اتاخرت عليك .. انا لبست كوتشي وجاهزه

(علي) (بذهول)
لأيه ؟ هو احنا هانلع كوره

ياسمين
مش انت متفق معايا تعلمني السواقه النهارده

(علي) (محاو لا التهرب)
السواقه!! هو انتي مش بتعرفي تسوقي يا ياسمين

ياسمين
انا .. امال عم محمود بيوديني ويجيبني ليه لو كنت بعرف

(علي) باستغراب
عم محمود ..!! طب لزمته ايه تتعلمي.. ماعم محمود قايم بالواجب

(ياسمين) بغضب
!!عايز اعتمد علي نفسي ..عشان محدش بييجي يقولي كل حاجة لازم اعملهاك

ياسمين تنتظر رد فعل علي الذي يبدو عليه النفي ثم يلين مرغما

(علي) مرغما
بس هانسوق في الشارع الي وانا بس.. اقولك بنزين بنزين .. فرامل فرامل

ياسمين
متخافش علي اقل من مهلي

م \ 76 - ن \ خ

شارع ضيق

نري شارع ضيق للغاية تركن فيه السيارات يمينا ويسارا والطريق يساع سيارة واحدة....نري سيارة علي تسير بسرعة صاروخيه وتقودها
ياسمين في هذا الطريق... ياسمين تسوق بغشوميه متعمده

(علي) بصراخ
براحه.....هدي هدي

سيارة علي تصطدم بكل السيارات يمينا ويسارها...نري اشيء تطير من السيارات بمجرد مرور سيارة علي بجوارها

علي
وقفي وقفي

ياسمين تضغط بنزين بكل قوتها...نسمع صوت توقف السيارة بقوه...علي ينزل ليري ما فعلته ياسمين...علي يضع يده علي رأسه من كثر
السيارات المحطمة...نري رجل كبير يقف بجوار سيارته المحطمة

العجوز
مش حرام عليك يابني عربيتي

علي يخرج كارت من جيبه ويعطيه للرجل

(علي) لبذوق
أنا متأسف حضرتك...ده كارتتي كلمني وهاصلحها ل حضرتك

العجوز
طب وعربيات الناس...مش حرام كده ؟؟

Jump cut

نري علي يضع كارت تحت مساحة سيارة ثم يضع كارت آخر تحت كارت السيارة بجوارها ثم يتنهد كمن انه ي عملا شاقا ثم يركب سيارته
بجوار ياسمين

(علي) بغضب
تمشي علي الاولاني يا اما هانزك تروحي مشي فاهمه ولا لا...الكروت اللي معايه خلصت

Jump cut

نہار-خ

طريق زراعي

الطريق فاضي ونري فجاءه سيارة علي تخرج مندفعه الي الشارع بمنتهي السرعة وعلي يصرخ .. فجأه نري عربيه كارو بحمار امامهم وياسمين تقود بنفس السرعة...علي يمسك بكرسيه

(علي) بصراخ باعلي نيرف
ياسمــــين....حاسبي حاسبي حاسبي

الحمار يقترب ويقترب .. الحمار اصبح علي بعد متر...علي بيده اليسري يحود الدليكسيون

(علي (بصراخ
حاسبي

نري السيارة تتطير في الهواء ثم في اتجاه التربة

(علي وياسمين) في نفس واحد
اااااااا

لیل-خ

طريق زراعي

الكان معتم تماما ومنار فقط بضوء كشاف قوي مسلط علي الترع....نري ياسمين في عينها نظرة تشففي وهي بجوار علي الذي يكاد يبكي وهو يشاهد ونش بسليه يرفع سيارته من الماء والسيارة تقطر ماء وطن من كل الابواب ومن كل جانب

م \ 77 - ن \ خ

شركة علي - مكتب

نري علي يمسك بيده اكصدام والتليفون علي اذنه وامامه كراتين من قطع غيار سيارات مختلفه التي صدمها.(مريات واكصدامات وفوانيس وكابوت كامل)على التليفون على اذنه

علي يمىسك فانوس سياره اكوٲافيا
اوكتافيا الفين وتمانينه صح...ملقىش اكصدام جديء حضرك جتبهوك استيراء
علي ءفي التليفون)

علي
لا بس الفانوس اصرى..مع السلامه يافندم

تدخل هاله

علي
هاله هو انتي بتعرفي تسوقي

(ہالہ (باستعجاب

ایہ السؤل الغریب ده .. انا بسوق من وانا فی ابتدائی...تحب اوریکی علی عربیتک ؟

لا لا عرييتي لا...كفاهه الى حصلها علي

هاله

علي انت جد في علاقتنا ولا ده لعب ؟

علي
.. طبعاً جد

هاله
لو انت جد فعلاً يبقى لازم تيجي تخطبني

علي
.. اخطبك .. ما انا خاطبك

هاله
خاطبني .. علي انت فقدت الذاكره تاني والا ايه ؟

علي
الله ما انا عارف...باين كده

هاله
انت واضح انك بنتتهرّب .. او كي يا علي .. بعد اذنك

هاله تهّم بالخروج ولكن علي يوقفها ..

علي
خلاص يا هاله خلاص...أجي اخطبك

م \ 78 - ن \ خ

يخت بالعين السخنة

جلال والد ياسمين يقف ومحتضن هاله وامامهم علي يكاد يجن

جلال
.. وحشتيني يا بنتي يا حبييتي

هاله
ده علي يا بابا اللي حكيتك عنه

جلال ينظر له

(علي (برعب وهو يقطع في الكلام
علي حمدي...احم اظن ان .. ان .. اسمها ايه بنت حضرتك

جلال
.. انت جاي تتقدم لبنتي وانت مش عارف اسمها

علي
..معلش اصل عندي مشكله في الذاكره .. فا

جلال
.. ايوه ايوه .. هاله بنتي حكيتلي

(جلال (باقتضاب
أأمر

جلال يحرك يده وهو يقول أأمر ..علي برعب يبعد يظن ان جلال هايديله بالقلم .. لكن جلال يلتقط نظارته ..

علي
..انا بصراحه معجب ب .. ب .. بيها .. بنت حضرتك
احم وكنت عايز اتكلم مع حضرتك شويه

(جلال)بتمثيل
والله العظيم؟؟..يا راجل ...وانت فينك من زمان... دور المركب يا سيد

Jump cut

نري اليخت يسير بسرعة..جلال وعلي في مؤخرة المركب يمسك بخطاف كبير يمسك بسمكة من الليس بوكس

جلال
بأه انت عايز تتقدم لهاله

علي يومئ برأسه بالإيجاب بسعادة

جلال
تفتكر ايه شعور السمكه الطعم الي بنحطها في الهوك ؟

علي (بهزار)
والله معرفش يا عمي مكنوتش طعم قبل كده

علي يضحك بصوت عالي محاولا اضحاك جلال القافش جدا .. جلال لا يضحك .. علي يتوقف عن الضحك محرجا من عدم ضحك جلال ..
جلال بهدوء يلف حول علي ثم فجأه يشبك الهوك في تيشرت علي بقوه.. علي يتخض

علي
فيه ايه يا عمي ؟

جلال
ابقي عرفني شعور الطعم ايه ؟

جلال يدفع علي بغل .. علي يطير في عكس اتجاه المركب.. علي يصطدم بالماء.. اليخت يبتعد عن علي

علي (بصراخ)
ليه كده يا عمي؟؟

الحبل يجرجر علي في الماء ويتقلب علي وجهه ظهره.. ثم يثبت في وضع يتجرجر فيه من قفاه.. ويحاول ان يلف رأسه ليكلم جلال الواقف
في مؤخرة اليخت يراقب ما يحدث سعيد

علي (بصراخ)
يا عمي هي اسمها ايه دي ماقالتلكش اني ..

الماء يدخل في فم وعين علي فلا يكمل

م \ 79 - ن \ د

كافيه

علي امامه اللاب توب وعليه صورة ياسمين وهاله

علي
لا ياسمين ارحم من هاله بكتير

علي يكح.. ياسمين تدخل عليه.. علي يمسك بمنديل وينف فيه بقوه.. واضح انه اصيب بالبرد

ياسمين (باستهبال)
ايه ده.. خدت برد ازاي.. انت نزلت الميه؟

علي (بنفي تام)
لا لا ميه ايه.. ده برد الصيف.. الفيروسات في كل حته

ياسمين تمثل انها تفهمت

ياسمين
طب يالا مش هانروح الصلصا

علي يتوقف فجأه ليستوعب الامر ويتذكر ماحدث له مع سابقة تعلم الرقص

علي (محاو لا التذكر ثم التهرب)
صالصا؟؟ رقص!! لا لا الرقص حرام

ياسمين
ايه الحرام لما تتعلم رقص عشان نرقص مع بعض لما نتجوز... ولا انت ليك ذكريات مع الرقص ومش عايز تقول؟؟

علي (بنفي قاطع)
لا لا ذكريات ايه... ولا عمري رقصت قبل كده في حياتي

م \ 80 - ن \ د

قاعة تدريب الرقص

نسمع اغنية بتاتي بتاتو رقصني ياهو (اغنية بلدي) ... نري علي يرتدي الجيبه التي سخر منها سابقا فوق البنطلون الجينز ويرقص بلدي
ووسط المايص الذي يرتدي ضيقه للغاية وعليها غطره كانه رجل عربي وحوله واربعه من رفاقه علي نفس الشاكلة (مايصين) الذين يصفقون كأن
علي راقصه.... علي يرقص المايص ممكس بورقه نقديه وينقط علي برمي بعض النقود علي الارض ثم يبقي ورقه يحاول ان يضعها داخل
قميص علي كما يفعلون مع الراقصات لكن علي يقاوم

علي
انت بتعمل ايه
واحد من الاربعه يزغر لعلي فيكمل رقصه ... المايص يضع الورقه داخل قميص علي وعلي يكاد يبكي.... المايص يرفع الجيبه لعلي من الخلف
لكن علي ينزلها ثانيه كانما يدافع عن شرفه.... المايص يغمز لعلي كانما رأي شيئا اعجبه

المايص [لعلي مشير علي الجيبه من الخلف]
عسل

علي (باستغاثه)
انتو معندكوش اخوات بنات

نري ياسمين بالخلف يشير لها واحد من الاربعه فتشير له بطريقه ميه ميه

م \ 81 - ن \ خ

النادي

علي يلعب مع هاله كرة السرعة وتضرب الكره بشده فتاتي في عين علي .. وتجري عليه هاله

هاله
علي حبيبي .. جراك حاجه ..

علي
عيني يا هاله عيني .. اه اه اه ..

هاله
هاروح اجبك تلج حالا

تجري هاله في اتجاه البوفيه .. ونري ياسمين قادمه مرتديه نفس الملابس ونفس التسريحة وفي يدها كيس به تلج وعلي لايرها وتتقرب منه وتضع التلج علي عينه

ياسمين
حطها بس كده ومتشلهاش علشان متورمش

علي
ميرسي يا حـ ...

علي يرفع رأسه فيجد ياسمين فينتفض ويتهته

علي
شك .. شك .. شكرا .. يا ..

ياسمين
ياسمين يا حبيبي انت نسييتني والا ايه .. يالا هات ايدك وقوم.. بلاش دلع

علي
هانروح فين ؟

م \ 82 - ن \ د

النادي اليابانى

علي جالس في وضع التأمل في الحر الشديد ويتصبب عرقا وعينه وارمه وحوله خمسة كلاب وولف متحفزه.. ياسمين في طريقها للمغادرة...علي يلف راسه ليكلم ياسمين

علي
ياسمين..

بمجرد ان يلف رأسه كلبين ينبحان ويكشفان عن اسنانهم يهددان علي...علي الان يتحدث لياسمين التي هي خلفه وهو ينظر امامه لا يستطيع الحركة

علي (يشبه بكاء)
انا عضلتي كلها شدت هاموت.. طب اقوم ثانيه بس

ياسمين
حركه واحده والكلاب هاتاكلك.. ده تدريب معروف هم كلهم عشر ساعات..
انت مبقالكش اربع ساعات علي بعض.. انا ماشيه بأه

علي (ببكاء)
لسه ست ساعات...حرام...والله العظيم حرام .. لا لا ياسمين ارحم

كلب يقترب من علي خطوه وينبح وجها لوجه في وجه علي

علي (للكلب)
مش فاكر العضمه الكبيره الي اديتها لك آخر مره

الكلب ينبح بشراسه اعلي

علي (للكلب)
سكت اهو

علي يشد جسمه في الوضعيه السليمه حتي لاينبح الكلب

م \ 83 - ن \ خ

النادي

علي يجري بجوار هاله

هاله
بابا وافق عليك

علي (باستغراب)
معقول .. وافق؟

هاله
ده كان بس بيهزر معاك.. بس عايزنا ناخد خطوات جديده.. الشقه .. العفش

علي يفكر فيما قالت هاله كأنما لم يكن يتوقع موضوع الشقه والعفش من قبل

علي (مذهولا كأنما قالت)
الشقه والعفش

م \ 84 - ل \ د

منزل هاله

ام هاله تضع الشاي.. علي جالس مع ام هاله ونري ياسمين تجلس معهم وعلي ينظر لهم كالمجنون

ياسمين
ماما شايفه اننا طولنا اوي عايزانا بقي نخش في الشقة والعفش

علي يذهل ثم يبدو عليه التفهم

علي
ايوه صح طبيعي

م \ 85 \ 85 A - ن \ د

شقه علي

علي مع ياسمين

علي
ها ايه رأيك في الشقه

ياسمين تتفحص الشقه

ياسمين
آه حلوه.. وهاتبقي احلي لما نرمي العفش ده ونجيب حاجتنا .. انت عليك ايه في العفش

علي (محاولا التهرب)
عفش !! عليه الصالون والسفره والمطبخ والاجهزة

علي مع هاله في نفس المكان بالضبط الذي رأيناه مع ياسمين

علي
ها ايه رأيك في الشقه ؟

هاله تتفحص الشقه

هاله
هاتبقي احلي بعفشنا

علي
ممکن اخلي الي عليه في الشقه عليك واللي عليك عليه

هاله تنتظر لعللي بشك ولا تفهم

م \ 86 - ن \ د

المستشفى

علي مع امل تسمعه

امل
وحبيت تغير ليه ؟

علي
عشان مجيش سفرتين وصالونين والاجهزه مرتين

امل
يعني تخلي ياسمين تجيب الي عليها وهاله
تجيب الي عليها ويبيقي انت مدفعتش حاجه

علي يلطم علي وجهه

علي
يا ريت ..يا ريت

م \ 87 - ل \ د

محل لللاثاث

نري محل مودرن شيك للغاية به علي وياسمين ومعهم موظف المحل.. ياسمين تشير علي انتريه

ياسمين
بكام ده ؟

الموظف
ده اربع قطع مع المكتبه حضرتك باربعه وخمسين الف

ياسمين
لا لا مش عاجبني.. عايزه حاجه اقيم كده

ياسمين تمشي خطوتين لتجد انتريه آخر جلد فتشير للرجل عليه

الموظف
ده اربع قطع جلد طبيعي بالمكتبه يعمل سبعة وستين الف

ياسمين يبدو عليها الاعجاب بالطقم الاغلي الجلد..نري ياسمين تختار بعض الاثاث وعلي معها.. نري علي الكاشير يعد رزم ماليه ويناولها لموظف المحل

A 87 - علي مع هاله مع موظف..هاله تختار الاثاث.. هاله تشير لغرفة نوم ثم تتوجه للموظف بسؤال.. الموظف يضرب علي الاله الحاسبة ويريهما الرقم لندرك انها تسأله علي السعر.. هاله تبدي استياءها.. الموظف يشير لغرفة نوم أخرى.. هاله تسأل الموظف..الموظف يضرب علي الاله الحاسبة.. هاله تشير بالايجاب..علي ينظر للآله الحاسبة ويفجع من الرقم.. نري علي وهو يحاسب الكاشير ويناوله رزم ماليه

م \ 88 - ل \ د

شقة علي

علي واقف مع هاله والعمال يركبون في اوضة النوم لنري عفش الشقه قد تغير تماما

هاله (باستعباط)
انت جبت السفره والانتريه من غير ما تاخذ رأيي؟

علي يضحك باستعباط

علي
قولت ماتعبكيش معاياه

هاله (باستعباط)
لا حنين.. بس ذوقك جميل اوي

م \ 89 - ل \ خ

سيارة علي

علي مع هاله في سيارته المخطمة والتي تصدر اصواتا مع تحركها.. هاله التليفون علي اذنها

م \ 90 - ل \ د

شقة الزوجية

نري ياسمين التليفون علي اذنها والارضيه مغرفة بالماء تغطي قدميها ونري حنفيات المياه كلها مفتوحة...بكل الشقة بعد ان سدت البالوعات

ياسمين (بانتقام)
كله تمام .. ينورنا

م \ 91 - ل \ د

سيارة علي

هاله (لعلي)
انا نسيت مفاتيحي في الشقة امبارح ممكن نعدي نجيبها علي السريع

علي
يعني لازم دلوقتي ؟

هاله
ده في ثانيه واحده

م \ 93 - ل \ د

أمام شقة علي

علي وصل لباب شقته ونراه يقف امام الباب ويدور المفتاح لكن الباب لا يفتح....علي يدفع الباب بكتفه لكن الباب لا يفتح....نسمع اصوات تخبط بالداخل...علي يقلق

علي
في حرامي جوه ولا ايه ؟

علي يضرب الجرس علي جاره

علي
معلش يا استاذ فهيم مش عارف فيه ايه جوه ممكن بس اخش شقتي من عندك

استاذ فهيم يشير لعلي ان يدخل...علي يدخل

م \ 93 - ل \ د

يلكونه

نري علي يقفز من بلكونه الجار الي بلكونته

م \ 93 - ل \ د

غرفة نوم علي

نسمع اصوات خارج الغرفة....باب الغرفة مقفول...علي يجد مقشه فيمسكها بيد ويفتح الباب بيده الاخرى

علي
هامسك يا حرامي الكلب

علي يفتح الباب لنري موجه ماء عملاقه كان يحوشها الباب تقع علي علي لينجرف علي لتكتشف ان الشقه غارقه لارتفاع متر ونص في الماء....علي يخرج رأسه من الماء مرعوباً

علي
اللاب توب

علي يغطس ليري الاب توب علي المكتب...علي يري سمكة الزينة التي كان يرببها تعوم في الماء....علي يمسك اللاب توب ويصعد به....اللاب توب نري به ماس كهربى ويخرج منه دخان مع صوت فرقعه ليعلن انه خرب

علي
فلوسي

علي يغوص ليصل لدرج مكتبه ليفتحه لتخرج الفلوس منه كالقنبلة لتصعد علي وجه الماء ...علي يخرج برأسه من الماء كانه كان سيموت غرقاً
م \ 93 - ل \ د

شقة علي - انتريه

الشقه بلا ماء لكن نري كل شئ تدمر..العفش اصبح باليا والتلفزيون شاشته سوداء محروقه...والحيطان قشرت والمكتبة دمرت....نري علي يضع يده علي رأسه في منتهي الحزن

م \ 94 - ن \ خ

سيارة ياسمين

علي يبدو عليه الحزن وجالس بجوار ياسمين

ياسمين
خلاص بأه .. شقه خدت الشر وراحت

علي
ااه .. هو احنا رايعين فين ؟

ياسمين
هافك عنك شويه؟

علي
ده حتي التأمين مرضاش يدفع .. قالك
بفعل فاعل..مين يعمل معايه كده وليه ؟

ياسمين
خلاص بأه كبر دماغك

علي
هو احنا رايعين فين ؟

ياسمين
هاطلعك من المود الزياله ده

علي

م \ 95 - ن \ خ

طائرة

نري الطائرة مازالت علي الارض وياسمين تمسك بعلي حتي يركب وهو يرفض

علی

خلاص یاسمین خلاص فکیت واللہ وبقیة کويس جدا

ياسمين

اسمع كلامي بس .. النط من الطياره هاخيلك واثق في نفسك

علي

انا واثق والله من وانا علي الارض.. بلاش بس علشان
الثقه متزيدش ويقولوا عليه مغرور والا حاجه

القائد فاتح باب الطائفة ويشير للجميع بيده

القائد

هوب .. هوب

علي

لا مش ھاھوب

القائد (بأمر وحسم)

بقولك هوب

علي

یاعم هوب ایه وشغل قرود ایه.. مش هاهوب یعنی مش هاهوب

ياسمين (برزانه)

خلاص یا جماعه سیبوه مش لازم ینط

فجأة ياسمين تدفع علي من الطائرة.. نري علي في الهواء

علي (بصراخ)

لأه ه ه ه .. أآآآ آ ه ه ه ه .. لااااا هاموت

نزي علي يسقط في اتجاه الارض بسرعه جنونيه وهو يلف في الهواء رأسا علي عقب بحركات شبه بهلوانيه لا اراديه من تأثير الهواء عليه ويعد ثم يحاول فتح البارشوت

علي

تلاته اربعه خمسہ

نري الارض قد ظهرت

علی

عشرہ

على يجذب حبل البراشوت لاعلى .. البراشوت لايفتح

(علی (مکررا

عشرہ

علي يكرر كلمه عشره مره اخري و يجذب حبل البراشوت لاعلي كأن كلمة عشرة هي التي ستفتح البارشوت

علي
هامووووووووت

نري علي من بعيد يهوي بسرعه رهيبه في اتجاه الارض.. نري براشوت علي يُفتح قبل الارض بقليل...علي يتوجه للارض بميل...علي رجله تلمس الارض لكن البراشوت لايتوقف...البراشوت يسحل علي لصطدم بترابيزات وكراسه ثم يتسحل علي النجيله حتي يقع البراشوت علي الارض لنري علي وفمه به نجيله

Jump cut

نري مسعفين يضعون علي محفة وينقلونه الي سيارة الاسعاف وهو يتأوه

م \ 96 - ن \ د

عنبر المستشفى

نري علي متجسس كله كما رأيناه اول مره....علي يفتح عينه ليري الدنيا تدور ويرى الصوره منغمشه حتي تثبت لنري ياسمين واقفه

ياسمين (بضيق)
بأه بتعرفني انا وهاله في نفس الوقت و بتقارن بينا!!

علي
انا أسف يا ياسمين...انا غلطان حقك عليه...سامحيني...انا بحبك

ياسمين
انت مبتحبش حد...

علي
لا متسييينيش يا ياسمين...لا يا ياسمين

الدنيا تدور بعلي لتصبح الصوره مظلمه ثم تضئ مره اخري ليري امامه هاله بدلا من ياسمين

هاله (بعتب)
بأه بتعرفني انا وياسمين في نفس الوقت و بتقارن بينا!!

علي
انا متأسف يا هاله...ارجوكي سامحيني..انا بحبك

هاله
انت مبتحبش حد...

الدنيا تظلم بعلي ثم تتور لنري ياسمين بجوار هالة لنري ابتسامه انتصار في عين هاله وياسمين

ياسمين (بسخرية)
عايز اتنين في واحد...عايز تضربنا في الخلاط!!

هاله (بسخرية)
وتطلع منا واحده ميكس فيها كل حاجه انت عايزها
ياسمين
انت متستاهلش حتي نبص في وشك

هالة
ده مجيتنا هنا خساره فيك

هالة وياسمين يتوجهان ليغادران

علي
يا ياسمين...يا هالة...متسيبونيش

هاله وياسمين يخرجان

علي (بوهن ورجاء)
لا متسيبونيش

م \ 96 - ن \ د

المستشفى

امل تجهز بعض المقصات وعلي جالس علي السرير وقد اقترب من تماثله للشفاء...علي بيده الريموت كنترول ويفتح التلفزيون ويقلب اول قناة التي بها مسلسل الي قناة بها ماتش ويتوقف عن القناة التي بها الماتش

علي (لأمل بتأثر)
وخسرتهم هم الاثنين وخسرت كل حاجه...عربييتي...شقتي...اتكسحت...وكل مافكر في القصة دي احس اد ايه انا كنت وحش نري امل متأثره لتأثر علي

علي (لمتأثر بشده)
عارفه نفسي اقبال ياسمين وهاله ولومره اخيره اقولهم انا أسف بجد...بس طبعا محدش فيهم هايرضي يبص في وشي امل اكثر تأثرا بكلام علي

م \ 96 - ن \ د

المستشفى - غرفة ابراهيم

علي جالس مع ابراهيم ويناوله مبلغا من المال

ابراهيم
هتابع حالتك فين؟؟

علي
هنا هابقي احيكو هنا المستشفى

ابراهيم
مش انت قولت مفيش مستشفى ازيل من هنا شويه؟؟ماتروح مستشفى احسن

علي (كأنما يتحدث عن شيء آخر)
...مش عايز احسن..انا ارتحت هنا ..راضي بيها بصراصيرها بفرانها

علي يخرج مبلغا من المال

علي
دول تمن عمليه عم جمعه الي كان معايه في العنبر

ابراهيم
انت كنت في عنبر كام؟؟ احنا عندنا ست عنابر

علي
والله مافاكر...بس هو العنبر الي كان فيه قطه

ابراهيم
كل العنابر فيها ققط...لونها ايه ؟

علي
مشمشي

ابراهيم
مشمشي!!...مشمشي!!...يبقي عنبر اربعة

م \ 96 - ن \ د

بوابة المستشفى

علي يضع اغراضه في شخطة سيارته المحطمة...نري امل خلفه وفي يدها ورقاتان

امل (بتأثر)

علي في مشكله لازم تحلهالي قبل ماتمشي

امل تناول علي الورقتين اللذان في يدها .. علي ينظر في الورقتين لنري انها صورة ابراهيم وجواره تقييم وصوره سامح وجواره تقييم ..علي يتفهم الموقف انها تقارن كما كان يفعل هو

علي (متأثرا)

لازم تاخدي قرار..لازم تختاري .. اوعي تعملي زيي يا الا هاتخسري كل حاجه

امل

مش عارفه مين مواصفاته انسبلي؟؟ مش عارفه اختار مين؟؟

علي (بتأثر)

اختاري اللي بتحبيه

علي يناول امل الورقتين ويغادر...علي يسمع صوت تقطيع الورقتين...لنريامل تقطع الصورتان ...مش هايوصلها بحب ولا هي هاتوصله بحب
عشان تبقي مفاجاه

م \ 98 - ن \ د

مكتبه

علي مع الرجل العجوز الذي يقف علي السلم ووجهه به كدمات وشاش

علي

فين فن الطهي لابله نظيره؟

نفهم هنا انا بيحب امل

م \ 98 - ن \ د

سيارة

نري علي في سيارته بعد ان تم تصليحها وقد شفي تماما واصبح بدون شاش وشعره طول مثلا لندرك انه مر وقت طول...علي يقرأ في كتاب...تأتي امل وتركب ببساطه بجوار علي

علي (بحب صادق)

ازيك يا حبيبتي

امل

وحشتك؟؟

علي (بصدق)

انت بتوحشيني وانتي معايه

علي يضع الكتاب الذي كان يقرأ فيه بالخلف لنري انه كتاب عن التشكيل بالفضة

م \ 99 - ن \ د

منزل علي

علي يدخل منزله وفي يده كتاب (الفضه) ويرتمي علي الكنبه ...ثم يمسك بالكتاب ويفتحه ليقراً فيه لتتحرك الكاميرا لنرى عشرات من الكتب (كتاب موسيقي - كتاب يوجا - كتاب سياسه - كتاب فن تشكيلي - كتاب تاريخ - كتاب افريقي - كتاب دين - كتاب كراتيه - كتاب تربية الكلاب - كتاب سباحه - كتاب فلسفه - كتاب علم نفس - كتاب مكتوب عليه .. كتاب بعنوان (ادام وحواء) ... علي يقوم ويضع كتاب الطبخ في المكتبه بجوار الكتب ...ويأخذ الريموت لنري التلفزيون اشتغل نري القنوات تقلب تباعا بدون توقف ...نري ماتش كره ثم نري اغنيه ثم نري معتز الدمرداش...تنزل التترات والقنوات مازالت تقلب بس قبل مانشوف التترات بتنزل علي القنوات نشوف كام قناه كده الاول من غير تترات عشان هانورو السينما ومحدث هيفهم النهاية

النهاية
2010/06/26

PAGE

PAGE 95